

五
1

TCHL 2720.1132

41

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 20 1932

CM 0	1	2	3	4	5	6	7	8	9	10	11	12	13	14	15	16	17							
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/39/33	42/57/29	82/47/9	51/50/13	50/28/29	38/14/16	66/16/18	50/5/22	43/14/21	55/9/25	71/32/0	62/34/60	40/9/43	52/48/17	31/21/21	72/23/57	73/19/68

Harvard College Library Imaging Services <http://imaging.harvard.edu>

明史藁

列傳第六十一

光祿大夫

經筵講官明史總裁戶部尚書加七級

臣王鴻緒奉

敕編撰

何喬新

彭韶

周經

耿裕

倪岳

閔珪

戴珊

賈俊

何喬新字廷秀江西廣昌人父文淵永樂十六年進士授御

史歷按山東四川烏蒙奸民什伽私其知府祿昭妻懼誅告

昭反詔發軍討文淵檄止所調軍而白其誣宣德五年用顧

佐薦奉敕知温州府居六年治最增俸賜璽書以胡濙薦擢

刑部右侍郎出督兩淮鹽課正統三年兩議獄不當與尚書

哈佛大學哈佛燕京圖書館珍藏印

魏源下獄皆得釋朝議征麓川文淵疏諫曰麓川徼外彈丸地不足討莫若俾雲南守將屯金齒令三司官撫諭之遠人獲更生而朝廷免調兵轉餉策之善者也帝下其議僉謂宜討於是西南騷動僅乃克之而失亡多其冬以疾乞歸景帝卽位起吏部左侍郎尋進尚書佐王直理部事東宮建加太子太保以銓選有私爲御史練綱等所劾帝宥之灾異見給事中林聰等劾文淵儉邪左庶子周旋疏言其枉聰等攻益力并劾旋御史曹凱復廷爭之遂與旋俱下獄聰疏有囑內臣語太監興安請帝詰主名聰不敢斥言乃釋文淵命致仕英宗復位削其加官而文淵以前議易儲言父有天下傳之子主者遂入之詔書或傳朝命逮捕遂自經死時喬新已登

景泰五年進士官南京禮部主事奔喪歸里里人故侍郎揭稽嘗受業文淵而與喬新兄弟不協奏文淵死實諸子迫之又逼嫁父所愛妾喬新亦許稽爲巡撫時嘗薦黃玠且代草易儲疏皆被徵比對簿父妾斷指爲諸郎訟冤獄得少解帝亦以事經赦釋不問已復丁母憂服除改刑部主事歷郎中轄錦衣衛衛卒屢犯法捕治不少貸都指揮袁彬有所囑執不從彬怒使人捃摭無所得由是名大起成化四年遷福建副使浙寇千餘人盜採壽寧銀礦所過剽掠募兵擊擒其魁福寧豪尤氏殺人出入隨兵甲拒捕者二十年福清薛氏時出諸番互市事覺謀作亂皆捕殺之福安寧德銀礦久絕有司責課民多破產喬新以爲言減三之二興化民自洪武初

受牛於官至是猶歲課其租奏免之清流歸化里恃險不共
賦白都御史置歸化縣其民始奉要束遷河南按察使歲大
饑故事賑貸迄秋止喬新曰止於秋謂秋成可仰也今秋可
但已乎賑至明年麥熟乃止都御史原傑以招撫流民至南
陽引喬新自助項忠驅流民過當民間傑至竄山谷喬新躬
往招之附籍者六萬餘戶遷湖廣右布政使荊州民苦徭役
驗丁口貧富列為九等民使之十六年擢右副都御史巡撫
山西邊地軍民每出塞伐木捕獸喬新言此輩苟遇敵必輸
情求生皆賊導也宜毋聽闖出犯者罪守將詔可敵犯塞偕
參將支玉伏兵灰溝營擊斬甚眾進右副都御史歲饑奏免
雜辦及戶口鹽鈔十之四劾僉事尚敬劉源稽獄請勅天下

斷獄官淹半載以上者悉議罪帝稱善亟從之召拜刑部右
侍郎山西大饑人相食命往賑活三十餘萬人還流冗十四
萬戶還朝會安寧宣撫使楊友欲奪嫡弟播州宣慰使愛爵
誣愛有異謀命喬新往勘與巡撫劉璋共白愛誣友奪官安
置他府播人遂安孝宗嗣位萬安劉吉等忌喬新剛正出為
南京刑部尚書沿江蘆洲率為中官占奪託言備進奉費喬
新奏還之民初喬新之出中官懷恩不平一日以事詣閣言
新君踐阼當用正人胡為出何公安等默然既而刑部尚書
杜銘罷羣望屬喬新而吉代安為首輔終忌之久不補弘治
改元用王恕薦始召喬新代銘奏言舊制遣官勘事及逮捕
必齋精微批文赴所在官司驗視乃行近止用駕帖不合符

設有矯詐誰敢拒之復舊制便帝立報許時吉仇正人頻興大獄喬新率據法直之坐是益憾數年他事奪俸至二年夏京城大水喬新既請恤被災者家又慮刑獄失平條上律文當更議者數事吉悉格不行郎中魏紳者喬新素重之薦爲大理丞而御史鄒魯覲遷以喬新薦紳恨之會喬新外家與鄉人訟魯卽誣喬新受賕曲庇吉取中旨下諸人詔獄喬新乃拜疏乞歸丁之窮治無驗魯坐停俸喬新亦許致仕後魯謫知蕭山以殘虐爲仇家瞿兩目罪至遣戍而喬新晚節彌厲福建市舶中官死鎮守者分其貲遺三司喬新獨固辭不得輸之於庫楊愛德喬新甚旣家居遣使厚致贈且獻良材可爲觀者喬新堅却之喬新年十一時侍父京邸修撰周旋

過之喬新方讀通鑑續編旋問曰書法何如綱目對曰呂文煥降元不書叛張世傑溺海不書死節曹彬包拯之卒不書其官而紀義軒多採怪妄似未有當也旋大驚異比長博綜羣籍聞異書輒借鈔積三萬餘帙皆手較讐著述甚富尤篤好濂洛之學與人寡合氣節友彭韶學問友丘濬而已罷歸後中外多論薦竟不復起十五年卒年七十六江西巡撫林俊爲彭韶及喬新請諡吏部覆從之有旨令上喬新致仕之由給事中吳世忠言喬新奄逝士類咨嗟今追考當日事欲與雪前枉耶抑聖意別有在耶喬新學行政事莫不優忠勤剛介老而彌篤御史魯拔私誣劾一辭不辨恬然退歸杜門著書人事寡擢士大夫莫不高其行若必考退身之由疑旌

賢之典則如宋蔣之奇嘗誣奏歐陽修矣胡紘輩嘗誣奏朱熹矣未聞當時人主以一人私情廢萬世公論也事竟寢正德十一年廣昌知縣張傑復以爲言乃贈太子太保予廕明年賜諡文肅喬新五世孫源萬曆初爲刑部右侍郎亦有清節濤舉鄉試第一授安慶府推官到官三日吏白當伏謁監司濤輦蹙曰非我所能卽棄官去

彭韶字鳳儀莆田人天順初進士授刑部主事進員外郎成化二年疏論僉都御史張岐儉邪宜召王竑李秉葉盛忤旨下詔獄給事中毛弘等救之不聽卒輸贖尋遷郎中錦衣指揮周或太后弟也奏乞武強武邑開田命韶偕御史季琮覆勘韶等周視徑歸上疏自劾曰真定田祖宗來許民墾闢爲

恒產除租賦以勸力農功臣戚里家與國戚休豈當與民爭尺寸地臣誠不忍奪小民衣食附益貴戚請伏奉使無狀罪疏入詔以田歸民而責韶等方命復下詔獄言官爭論救得釋當是時韶與何喬新同官並有重名一時稱何彭遷四川副使安岳扈氏焚滅劉某家二十一人定遠曹氏殺其兄一家十二人所司以爲疑獄久不決韶一訊得實咸伏辜進按察使悉撤境內淫祠王府祭葬舊遣內官公私煩費奏罷之雲南鎮守太監錢能進金燈擾道路韶劾之不報遷廣東左布政使中官奉使紛還鎮守顧恒市舶葦眷珠池黃福皆以進奉爲名所至需求民不勝擾韶先後論奏最後梁芳弟錦衣鎮撫德以廣東其故鄉歸採禽鳥花木害尤酷韶抗疏極

諫語侵芳芳大怒構於帝帝亦怒命調之貴州二十年擢右副都御史巡撫應天明年正月星變上言彗星示災見於歲暮遂及正旦歲暮者天道之終正旦者歲事之始此天心仁愛欲陛下善始善終也陛下嗣位之初家禮正防微周儉德昭用人慎乃邇年以來進奉貴妃加於嫡后褒寵其家幾與先帝后家埒此正家之道未終也監局內臣數以萬計利源兵柄盡以付之犯法縱奸一切容貸此防微之道未終也四方鎮守中官爭獻珍異動稱勅旨科擾小民此持儉之道未終也六卿並加師保監寺兼領崇階及予告而歸廩食輿夫濫加庸鄙爵賞一輕人誰知勸此用人之道未終也惟陛下慎終如始天下幸甚時方召爲大理卿帝得疏不悅命仍故

官巡撫順天永平二府均大興宛平昌平諸縣徭役劾奏鎮守中官陶弘罪孝宗卽位召爲刑部右侍郎嘉興百戶陳輔爲亂陷府城大掠遁入太湖遣韶巡視賊已滅乃命兼僉都御史整理鹽法尋進左侍郎韶以商人苦抑配爲定折價額蠲宿負憫竈戶煎辦徵賠折閱之困繪八圖以獻因條利病六事悉允行弘治二年秋還朝疏論刑罰失平數事報聞尋改吏部與尚書王恕甄人才覈功實仕路爲清彗星見上言宦官太盛不可不亟裁損因請午朝面議大政毋祇具文已又言濫授官太多乞嚴杜倖門痛爲釐正帝是其言然竟不能用四年秋代何喬新爲刑部尚書故安遠侯柳景賊敗至數千兩徵僅十一以其母訴免韶執奏曰昔唐宣宗元舅鄭

光官租不入京兆尹韋澳械其莊吏宣宗欲寬之澳不奉詔景無元舅之親賊非負租比獨蒙宥除是臣等守法媿於澳也不從御史彭程以論皇壇器下獄韶疏救因極陳光祿冗食濫費狀乃命具歲辦數以聞南京衛士犯罪刑部主事郭珠執而鞠之爲成國公朱儀所劾韶奏珠所守乃故事帝卒從儀言命自後母擅執荆王見滿有罪奏上淹旬不下內官王明苗通高永殺人滅死遣成昌國公張巒建墳踰制役軍至數萬畿內黠民冒充陵廟戶及勇士旗校輒免徭役致見戶不支流亡日衆韶皆抗疏極論但下所司而已韶涖部三年昌言正色秉節無私與王恕及喬新稱三大老而爲貴戚近習所疾大學士劉吉徐溥亦不善之韶志不能盡行連章乞休乃命乘傳歸月廩歲隸如制明年南京地震御史宗彝等言韶喬新強珍謝鐸陳獻章章懋彭程俱宜召用不報又明年卒年六十六溥猶當國僅予諡惠安贈太子少保韶嗜學公暇手不釋書盛有著述正德初林俊言韶諡不副行乞如魏驥吳訥葉盛改諡文事竟不行

周經字伯常刑部尚書瑄子也天順四年進士改庶吉士授檢討成化中歷侍讀中允侍皇太子講文華大訓太子起立拱聽閣臣以爲勞議請太子坐經與諸講官皆不可乃已孝宗立進太常少卿兼侍讀弘治二年擢禮部右侍郎中官請修黃村尼寺奉祀孝穆太后吐魯番貢獅子不由甘肅假道滿刺加浮海至廣東經皆倡僚長爭毀其寺却貢不與通調

吏部尋進左侍郎通政經歷沈祿者張后姑壻也尚書王恕在告中官傳旨擢祿本司參議經言非面承旨又無御札不敢奉詔復與恕疏爭之事雖不能止朝論躓焉靈壽奸民獻地於中官李廣戶部持不得經倡九卿疏爭卒罪獻地者嘗上言外戚家無功求遷無勞乞賞兼齋醮游宴濫費無紀致帑藏殫虛宜大為撙節近例預備倉積粟多者守令賜誥勅不次遷官遂致剝下干進請如洪武間例悉出官帑平糴毋奪民財考績勿專以積粟爲能至清軍之弊洪熙以前在旗校宣德以後在里胥弊在旗校者版籍猶存若里胥則並版籍而淆亂之宜考故冊洗奸弊災傷民乞省恤惜薪司薪炭約支數年灾荒郡縣宜盡與停免四方顏料雜辦亦然此救

民急務也帝多採納之八年文武大臣以灾異陳時政經爲具奏草而奏中斥戲樂一事深中帝諱密令中官廉草奏者尚書耿裕曰疏首吏部裕實具草經曰疏草出經手卽有罪罪經世兩賢之明年代葉淇爲戶部尚書時孝宗寬仁而戶部尤奸蠹所萃挾勢行私者不可勝紀少不如意讒毀隨之經悉按祖宗成憲無所顧寬逋緩征裁節冗濫四方告灾必覆奏蠲除每委官監稅課入多者與下考苛切之風爲衰奉御趙瑄獻雄縣地爲東宮莊經等劾瑄違制下詔獄而帝復從鎮撫司言遣官勘實經等復爭之曰太祖太宗定制閒田任民開墾若因奸人言而籍之官是土田予奪盡出奸人口小民無以爲生矣旣而勘者及巡撫高銓言閒田止七十頃

悉與民田錯於是從經言仍賦之民治瑄罪中官何鼎劾外戚張鶴齡下獄經疏救之忤旨切責雍王祐檮乞衡州稅課司及衡陽縣河泊所經言不可許帝納之命自今四方課稅王府不得請中官織造者請增給兩浙鹽課二萬引經等言鹽筴佐邊不宜濫給且祖宗朝織染諸局供御有常數若曰取用有加則江南兩浙已例外增造若曰工匠不足則仰食公家不下千餘人所爲何事是知供用未必缺而徒導陛下以勞民傷財之事也帝不從經恐歲以爲常再疏請斷其後乃命歲予五千引先有旨倉場監督內官毋增設至是復黃緣先後增遣四人經等皆力爭詔止設總督二人京通監督三人帝從內靈臺請令錦衣撥餘丁百人供灑掃經等諫不

納經曰祖宗設內臺不惟欲知災異亦以防外蔽欺其地至密今一旦增百人將來必有漏洩妄言者帝悟立已之崇王見澤乞河南退灘地二十餘里經言不宜予興王祐杭乞近湖地千三百餘頃經三疏爭之竟不許帝以肅寧諸縣地四百餘頃賜壽寧侯張鶴齡其家人因侵民地三倍且毆民至死下巡撫銓勘報銓言可耕者無幾請仍賦民不許時王府勲戚莊田例畝徵銀三分獨鶴齡奏加徵二分且槩加之沙灘地經抗章執奏命侍郎許進偕太監朱秀覆核經言地已再勘今復遣使徒滋煩擾昔太祖以劉基故減青田賦徵米五合欲使其鄉里子孫世世頌基今興濟篤生皇后作配聖躬正宜恤民減賦俾世世戴德何乃使小民銜怨無已也頃

之進等還言此地乃憲廟皇親栢權及民恒產不可奪帝竟予鶴齡如其請加稅而命償權直除民租額經等復諫曰東宮親王莊田徵稅自有例而鶴齡獨踰之天下謂陛下惟厚外戚不恤赤子權先帝妃家亦戚晚也名雖償直實乃奪之天下又謂陛下惟厚椒房不念先帝帝終不納大同缺戰馬馬文升請太倉銀以市經言糧馬各有司存祖訓六部毋相壓兵部侵戶部權非祖訓帝爲改撥太僕銀給之給事中魯昂請盡括稅役金錢輸太倉經曰不節織造賞齋齋醮土木之費乃欲括天下財給事言非是內官傳旨索三萬兩爲燈費持不與經剛介方正好彊諫雖重忤旨不恤宦官貴戚皆憚而疾之帝亦不能無厭會星變經自陳乞休卽報許命賜

勅馳驛加太子太保而以佶鍾代之廷臣爭上章乞留而中外論薦者至八十餘疏咸報寢武宗卽位言官復薦召爲南京戶部尚書遭繼母憂未任正德三年服闋經壻兵部尚書曹元方善劉瑾言經雖老尚可用瑾亦重經名德乃召爲禮部尚書固辭不許遣官卽其家起之至則止郊外復以疾辭帝遣使慰問賚玉帶強起受事數月卽謝病去五年卒年七十一贈太保諡文端子曾進士浙江右參政

耿裕字好問尚書九疇子也景泰五年進士改庶吉士授戶科給事中轉工科天順初以九疇爲右都御史改裕檢討九疇坐劾石亨貶裕亦謫泗州判官終父喪補定州成化初召復檢討進修撰歷國子司業祭酒侯伯年幼者皆肄業監中

裕采古諸侯貴戚言行可法者爲書授之帝聞而稱善歷吏部左右侍郎坐尚書尹旻累停俸者再已代旻爲尚書大學士萬安與裕不協而李孜省私其同鄉李裕欲使代裕相與謀中之坐以事調侍郎黎淳南京而奪裕俸言官復交劾宥之裕入謝旣出帝怒曰吾再寬裕罪宜申謝今一謝以奪俸故意鞅鞅耶孜省等因而傾之遂調南京禮部踰年孝宗嗣位轉南京兵部參贊機務弘治改元召拜禮部尚書時公私侈靡耗費日廣裕隨事救正或因災異條上時事或申理言官先後陳言甚衆大要歸於節儉給事中鄭宗仁疏節光祿供應裕等請納其奏巡視光祿御史田齋以供費不足累行戶請借太倉銀償之裕等言疑有侵盜弊請劾所司禁防帝皆從之南京守備中官請增奉先殿日供品物裕等不可帝方踐阼斥番僧還本土止留乳奴班丹等十五人其後多潛匿京師轉相招引齋醮復興言官以爲言裕等因力請驅斥帝乃留百八十二人餘悉逐之禮部公廨火裕及侍郎倪岳周經等請罪被劾下獄已釋之停其俸初撒馬兒罕及土魯番皆貢獅子甘肅鎮守太監傅惠先圖形以進巡按御史陳瑤請却之裕等乞從瑤請而治惠違詔罪帝不從後番使再至留京師頻有宣召裕等言番人不道因朝貢許其自新彼復潛稱可汗興兵犯順陛下優假其使適遇偏強之時彼將謂天朝畏之益長桀驁且番人狡黠不宜令出入內廷獅子野獸無足珍異帝卽遣其使還尋代王恕爲吏部尚書加太

子太保御用監匠人李綸等以內降得官裕言先有詔文官不由臣部推舉傳乞除授者參送法司按治今除用綸等不信前詔不可給事中呂獻等皆論奏裕亦再疏爭終不聽裕爲人坦夷諒直諳習朝章秉銓數年無愛憎亦不徇毀譽銓政稱平自奉澹泊兩世貴盛而家業蕭然父子並以名德稱卒年六十七贈太保諡文恪

倪岳字舜咨上元人父謙奉命祀北岳母夢緋衣神入室生岳遂以爲名謙終南京禮部尚書諡文僖岳天順八年進士改庶吉士授編修成化中進侍讀充經筵講官久之進侍讀學士直講東宮二十二年擢禮部右侍郎仍直經筵弘治初改左侍郎岳好學文章敏捷博綜經世之務尚書耿裕方正

持大體至禮文制度率待岳而決六年裕改吏部岳遂代爲尚書詔召國師領占竹於四川岳力諫帝不從給事中夏昂御史張禎等爭之言者不已事竟寢時營造諸王府規制宏麗大踰永樂宣德之舊岳請頒成式又以四方所報災異禮部於歲終類奏率爲具文乃詳次其月日博引經史徵應勸帝勤講學開言路寬賦役慎刑罰黜奸貪進忠直汰冗員停齋醮省營造止濫賞帝頗採納焉左侍郎徐瓊者與后家有連謀代岳九年南京吏部缺尚書廷推瓊詔加岳太子太保往任之而瓊果代岳尋改岳南京兵部參贊機務還代屠瀟爲吏部尚書岳在禮部暨往南京入吏部前後陳請百餘事軍國弊政剔抉無遺疏出人多傳錄之岳貌魁岸有文武才

善斷大事盈廷聚議往往決以片言既秉銓請寄不得行同
列中最推遜馬文升然論事亦不肯苟同也天下方想望其
風采踰年遽卒年五十八詔贈少保諡文毅明世父子宫翰
林俱得諡文自岳始岳疏議甚多論西北用兵害尤切其畧
云近歲毛里孩阿羅忽孛羅出札思加蘭大爲邊患蓋緣河
套之中水草甘肥易於屯牧故賊頻據彼地擁衆入掠諸將
怯懦率嬰城自守苟或遇敵輒至挫衄旣莫敢折其前鋒又
不能邀其歸路敵進獲重利退無後憂致兵鋒不靖邊患靡
寧命將徂征四年三舉絕無寸功或高臥而歸或安行以返
析圭擔爵優游朝行輦帛輿金充牣私室且軍旅一動輒報
捷音賜予濫施官秩輕授甚至妄殺平民謬稱首級未嘗致
其敗北輒以奔遁爲辭及考功籍所載賞格所加非私家子
弟卽權門厮養而什伍之卒轉餉之民則委骨荒塵膏血野
草天怒人怨禍機日深非細故也京營素號冗怯留鎮京師
猶恐未壯根本顧乃輕於出禦用褻天威臨陣輒奔反隳邊
軍之功爲敵人所侮且延綏邊也去京師遠宣府大同亦邊
也去京師近彼有門庭之喻此無陛楯之嚴可乎頃兵部建
議令宣府出兵五千大同出兵一萬併力以援延綏而不慮
其相去旣遠往返不逮人心苦於轉移馬力疲於奔軼夫聲
東擊西者賊寇之奸態也擣虛批亢者兵家之長策也精銳
旣盡乎西老弱乃留於北萬一北或有警而西未可離首尾
衡決遠近坐困其可爲得計哉至於延綏士馬屯集糧糗不

貲乃以山西河南之民任飛芻轉粟之役徒步千里夫運而妻供父輓而子荷道路愁怨井落空虛幸而得至束芻百錢斗粟倍直不幸遇賊身且斃矣他尚何云輸將不足則有輕齎輕齎不足又有預徵水旱不可先知豐歉未能逆卜徵如何其可預也甚不得已令民輸芻粟補官然媚權貴私親故者或出空牒以授倉庾無升合之入至若輸粟給鹽則豪右請託率占虛名鬻之而商賈費且倍蓰官爵日輕鹽法日沮而邊儲之不充如故也又朝廷出帑藏給邊歲爲銀數十萬山西河南輸輕齎於邊者歲亦不下數十萬銀日積而多則銀益賤粟日散而少則粟益貴而不知者遂於養兵之中寓養疽之術或以茶鹽或以銀布名爲準折糧價實則侵剋軍需故朝廷有糜廩之虞軍士無果腹之樂至兵馬所經例須應付居平人日米一斗馬日芻一束追逐一日之間或一二堡或三四城豈能俱給哉而典守者巧爲竊攘之謀凡所經歷悉有開支罔上行私莫此爲甚及訪禦敵之策則又論議紛紛有謂復受降之故險守東勝之舊城使聲援交接犄角易制然欲復城河北卽須塞外屯兵出孤遠之軍涉荒漠之地輜重爲累饋餉惟艱彼或抄掠於前躡襲於後曠日持久軍食乏絕進不得城退不得歸一敗而聲威大損矣又有謂統十萬之衆裹半月之糧奮揚武威掃蕩窟穴使河套一空事非不善也然帝王之兵以全取勝孫吳之法以逸待勞今欲鼓勇前行窮搜遠擊乘危履險覬萬一之倖贏糧遠隨則

重不及事提兵深入則孤不可援且其間地方千里無城郭之居委積之守彼或往來遷徙罷我馳驅我則情見勢屈爲敵所困旣失坐勝之機必蹈覆沒之轍其最無策者又欲棄延綏勿守使兵民息肩不知一民尺土皆受之祖宗不可忽也向失東勝故今日之害萃於延綏而關陝震動今棄延綏則他日之害鍾於關陝而京師震驚賊愈近而禍愈大矣因陳重將權增城堡廣斥堠募民壯去客兵明賞罰嚴間諜實屯田復邊漕數事時兵部方主用兵不能盡用也

閔珪字朝瑛烏程人天順末進士授御史出按河南以風力聞成化六年擢江西副使進廣東按察使久之以右僉都御史巡撫江西南贛諸府多盜率強宗家僕珪請獲盜連坐其主法司議從之尹直輩謀之李孜省取中旨責珪不能弭盜左遷廣西按察使孝宗嗣位擢右副都御史巡撫順天入爲刑部右侍郎進右都御史總督兩廣軍務與總兵官毛銳討古田鐘副總兵馬俊參議馬鉉自臨桂深入敗死軍遂退詔停俸討賊珪復進兵連破七寨他賊悉就撫弘治七年遷南京刑部尚書尋召爲左都御史加太子少保再加太子太保以災異與都御史戴珊共陳時政八事又陳刑獄四事多報可珪久爲法官議獄皆會情比律歸於仁恕宣府妖人李道明聚衆燒香巡撫劉聰令千戶黃珍鞠之株連數十家謂道明將引北寇攻宣府聰信之奏於朝籍諸人產廣行捕逐及逮訊無驗珪乃止坐道明一人餘悉得釋而抵珍罪聰亦下

獄貶官帝之親鞠吳一貫也將宣大辟珪進曰一貫推案不實罪當徙帝不允珪執如初帝怒戴珊從旁解之帝乃霽威令更擬珪終以原擬上帝不悅召語劉大夏大夏對曰刑官執法乃其職未可深罪帝默然久之曰朕亦知珪老成不易得但此事太執耳卒如珪議及劉瑾用事九卿伏闕固諫韓文被斥珪亦連章乞休詔加少保賜勅馳傳歸卒贈太保諡莊懿從孫如霖南京禮部尚書如霖曾孫洪學吏部尚書洪學從弟夢得兵部戎政尚書他為庶僚者復數人

戴珊字廷珍浮梁人父嘒由鄉舉官嘉興教授有學行富人數輩遣其奴子入學嘒不可賄上官彊之執愈堅見忤坐他事去珊幼嗜學天順末與劉大夏同舉進士久之擢御史督

南畿學政成化十四年遷陝西副使仍督學政正身率教士皆愛慕之歷浙江按察使福建左右布政使終任不攜一土物弘治二年以王恕薦擢右副都御史撫治鄖陽蜀盜野王剛流劫竹山平利珊合川陝兵檄副使朱漢等討擒其魁入歷刑部左右侍郎與尚書何喬新彭韶共事晉府寧化王鍾鈞淫虐不孝勘不得實再遣珊等勘之遂奪爵禁錮進南京刑部尚書久之召為左都御史十七年考察京官珊廉介不苟合給事中吳舜王蓋自疑見黜連疏詆吏部尚書馬文升并言珊縱妻子納賄珊等乞罷帝慰留之御史馮允中等言文升珊歷事累朝清德素著不可因浮詞廢計典乃下葬蓋詔獄命文升珊即舉察事珊等言兩人逆計當黜故先劾臣

等今黜之彼必曰是挾私也苟避不黜則負委任而使詐諛者得志帝命上兩人事蹟皆黜之已劉健等因召對力言蓋罪輕宜調用帝方嚮用文升珊卒不納帝晚年召對大臣珊與大夏造膝宴見尤數一日與大夏侍坐帝曰時當述職諸大臣皆杜門如二卿者雖日見客何害袖出白金賚之曰少佐而廉且屬勿廷謝曰恐爲他人忌也珊以老疾數求退輒優詔勉留遣醫賜食慰諭有加珊感激泣下私語大夏曰珊老病子幼恐一旦先朝露公同年好友何惜爲一言乎大夏唯唯後大夏晏對畢帝問珊病狀言珊實病乞憫憐聽其歸帝曰彼屬卿言耶主人留客堅客則強留珊獨不能爲朕留耶且朕以天下事付卿輩猶家人父子今太平未兆何忍言

歸大夏出以告珊珊泣曰臣死是官矣帝旣崩珊以新君嗣位不忍言去力疾視事疾作遂卒於位贈太子太保諡恭簡賈俊字廷杰東鹿人以鄉舉入國學天順中選授御史歷巡浙江山西陝西河南南畿所至有聲成化十三年超拜右僉都御史巡撫寧夏在鎮七年軍民樂業召爲工部右侍郎二十一年奉勅賑饑河南尋轉左數月拜尚書時專重進士舉人無至六卿者俊獨以重望得之及孝宗踐阼尚書王恕李敏周洪謨余子俊何喬新都御史馬文升皆一時民譽俊參其間亦稱職諸王府第塋墓悉官予直而儀仗時繕修內官監欲頻興大工俊言王府旣有祿米莊田請給半直儀仗非甚敝不得煩有司公家所宜營惟倉庫城池餘皆停罷帝報

可弘治四年中官奏修沙河橋請發京軍二萬五千及長陵五衛軍助役內府寶鈔司乞增工匠浙江及蘇松諸府方罹水災而織造錦綺至數萬匹俊皆執奏並得寢工部政務與內府監局相表裏而內官監專董工役職尤相關俊不為所撓工役大省太廟後殿成加太子少保足疾致仕詔許乘傳歸給夫廩如制踰年卒俊廉慎居工部八年望孚朝野代之者劉璋字廷信延平人天順初進士歷官中外有聲居工部亦數有爭執名亞於俊

明史藁

列傳第六十一終

明史藁

列傳第六十二

光祿大夫 經筵講官明史總裁戶部尚書加七級臣王鴻緒奉敕編撰

李敏葉

淇

侶鍾

曾鑑

黃紱

張悅

張榮榮從孫

梁璟

王詔

徐恪

李介

昆

王鴻儒

黃珂

叢蘭

王雲鳳

吳世忠

李敏字公勉襄城人景泰五年進士授御史天順初奉勅撫定貴州蠻還巡按畿內以薊州餉道經海口多覆溺建議別開三河達薊州以避其險軍民利之成化初用薦超遷浙江

按察使再任湖廣歷山西四川左右布政使擢右副都御史
巡撫大同敵騎出沒塞下掩殺墩軍敏伏壯士突擒之修治
垣塹敵不敢犯居三年召爲兵部右侍郎病歸河南大饑條
上救荒數事詔以左副都御史巡撫保定諸府旋改督漕運
尋召拜戶部尚書先是敏在大同見山東河南轉餉至者道
遠耗費乃會計歲支外悉令輸銀民輕齎易達而將士得以
其資治軍裝交便之至是并請畿輔山西陝西州縣歲輸糧
各邊者每糧一石徵銀一兩以十九輸邊依時值折軍餉有
餘則召糴以備軍興帝從之自是北方二稅皆折銀由敏始
也崇文門宣課司稅多爲勢要所侵漁敏因馬文升言請增
設御史主事監視御史陳瑤片敏聚斂敏再疏求去帝慰留

之貴戚請隙地及鷹房牧馬場千頃敏執不可事得寢當憲
宗末中官佞倖多賜莊田旣得罪率辭且奪帝不以賦民令
人守敏請召佃畝科銀三分帝從之然他莊田如故也會京
師大水敏乃極陳其害言今畿輔皇莊五爲地萬二千八百
餘頃勛戚中官莊三百三十有二爲地三萬三千一百餘頃
官校招無賴爲莊頭豪奪畜產戕殺人汚婦女民心痛傷災
異所由生皇莊始正統間諸王未封相閒地立莊王之藩地
仍歸官其後乃沿襲普天莫非王土何必皇莊請盡革莊戶
賦民耕畝槩徵銀三分充各宮用度無皇莊之名而有足用
之效至權要莊田亦請擇佃戶領之有司收其課聽諸家領
取悅民心感和氣無切於此時不能用南京御史與守備太

監蔣琮相訐咸逮謫而琮居職如故敏再疏力爭皆不聽四年得疾乞休帝爲遣醫視療已復力請乃以葉淇代詔敏乘傳歸未抵家卒贈太子少保諡恭靖敏生平篤行誼所得祿賜悉以分昆弟故人親喪里居築室紫雲山麓聚書數千卷與學者講習市地數十畝廩之及巡撫大同疏籍之於官詔賜名紫雲書院大同居極邊孔廟無雅樂因敏奏得頒賜云淇字本清山陽人景泰五年進士授御史天順初石亨譖之下吏考訊無驗出爲武陟知縣成化中累官大同巡撫孝宗立召爲戶部侍郎久之遷尚書加太子少保哈密爲土魯番所陷守臣請給其遺民廩食處之內地淇曰是自貽禍也寢其奏奸民獻大名地爲皇莊淇議歸之有司內官龍綬請開

銀礦淇不可帝從之已綬請長蘆鹽二萬引粥於兩淮以供織造費淇力爭竟不納淇居戶部六年直亮有執能爲國惜財用每廷議用兵輒持不可惟變_二中之制令淮商以銀代粟鹽課驟增至百萬悉輸之運司邊儲由此蕭然時內閣徐溥淇同年生也變開中法溥有力焉語詳食貨志乞休歸卒贈太子太保從子贄進士歷官刑部右侍郎以清操聞侶鍾字大器鄆城人成化二年進士授御史巡鹽兩淮按浙江還掌諸道章奏汪直諷鍾劾馬文升不可被譖杖闕下以御史王越薦擢大理寺丞再遷右少卿寇入大同廷議遣大臣巡視保定諸府乃以命鍾居數月卽擢右副都御史巡撫其地河間瀕海民地爲勢家所據鍾奪還之召爲刑部右侍

郎丁內艱僦運艘載母柩南還督漕總兵官王信奏之逮下
吏會當路方逐尹旻黨而鍾與旻爲同鄉乃貶二秩爲曲靖
知府改徽州復入爲大理寺左少卿弘治三年以右副都御
史巡撫蘇松諸府所部災盡心荒政召爲戶部右侍郎總督
倉場尋改吏部進左遷右都御史十三年進戶部尚書十五
年上天下會計之數言常入之賦以蠲免漸減常出之費以
請乞漸增入不足當出正統前軍國費省小民輸正賦而已
自景泰至今用度日廣額外科率河南山東邊餉浙江雲南
廣東雜辦皆昔所無民已重困無可復增往時四方豐登邊
境無調發州縣無流移今太倉無儲內帑殫絀而冗食冗費
日加於前願陛下惕然省憂厚加損節且勅廷臣共求所以

足用之術帝乃下廷臣議議上十二事其罷傳奉冗官汰內
府濫收軍匠清騰驤四衛勇士停寺觀齋醮省內侍畫工番
僧供應禁王府及織造濫乞鹽引令有司徵莊田租皆權倖
所不便者疏畱數月不下鍾乃復言之他皆報可而事關權
倖者終格不行奸商投外戚張鶴齡乞以長蘆舊引十七萬
免追鹽課每引納銀五分別用價買各場餘鹽如其數聽其
鬻販帝許之奸民倚貴戚援例乞兩淮舊引至百六十萬鍾
等力持皆不聽自此鹽法大壞奸人橫行江湖官司無如何
矣東廠偵事者發鍾子瑞受金事鍾屢疏乞休命馳驛歸正
德時劉瑾撫鍾在部時事至罰米者三又數年卒
曾鑑字克明其先桂陽人以戍籍居京師天順末年成進士

授刑部主事歷吏部驗封郎中擢右通政弘治初累遷工部左右侍郎十三年進尚書孝宗在位久海內樂業內府供奉漸廣司設監請改造龍毯素毯一百有奇鑑等言毯雖一物然徵毛毳於山陝採綿紗諸料於河南召工匠於蘇松經累歲勞費百端祈賜停止不聽內府針工局乞收幼匠千人鑑等言往年尚衣監收匠千人而兵仗局效之收至二千人軍器局司設監又效之各收千人弊源一開其流無已於是命減其半太監李興請辦元夕煙火有詔裁省因鑑奏盡罷之十六年帝納諸大臣言召還織造中官中官鄧瑤以請帝又許之鑑等極言乃命減三之一其冬言諸省方用兵且水旱多盜賊乞罷諸營繕及明年煙火龍虎山上清宮工作帝皆

報從焉正德元年雷震南京報恩寺塔守備中官傅容請修之鑑等諫止內織染局請開蘇杭諸府織造上供錦綺爲數二萬四千有奇鑑力請停罷得減三分之二孝宗末閣部大臣皆極一時選鑑亦持正及與韓文等請誅宦官不勝諸大臣畱者率異順避禍鑑獨守故操有詔賜皇親夏儒第帝嫌其隘欲拓之鑑力爭不從明年春中官黃準守備鳳陽從其請賜旗牌鑑等言大將出征及諸邊守將乃有旗牌內地守備無故事乃寢尋卒贈太子太保

黃紱字用章其先封丘人曾祖徙平越遂家焉紱登正統十三年進士除行人歷南京刑部郎中剛廉遇事飈發大猾譚千戶者占民蘆場莫敢問紱奪還之民成化九年遷四川左

參議久之進左參政按部崇慶旋風起輿前不得行紱曰此必有冤吾當爲理風遂散至州禱城隍神夢若有言州西寺者寺去州四十里倚山爲巢後臨巨塘僧夜殺宿者沉之塘下分其貲且多藏婦女於窟中紱發吏兵圍之窮詰得其狀誅僧毀其寺倉吏倚皇親乾沒官糧巨萬紱追論如法威行部中歷四川湖廣左右布政使奏閉建昌銀礦兩京工興湖廣當輸銀三萬例徵之民紱以庫羨充之荆王奏徙先壟紱恐爲民擾執不可二十二年擢右副都御史巡撫延綏劾罪參將郭鏞都指揮鄭印李鐸王琮等計捕奸豪張綱申軍令增置墩堡邊政一新出見士卒妻衣不蔽體嘆曰健兒家貧至是何面目臨其上亟豫給三月餉親爲拊循會有詔毀菴

寺紱因盡汰諸尼以給壯士無妻者及紱去多攜子女拜送於道弘治三年拜南京戶部尚書言官以紱進頗驟頗有言帝不聽就改左都御史焚差歷簿於庭曰事貴得人耳資勞久近豈立官者意哉紱歷官四十餘年性卞急不能容物然操履潔白所至有建樹六年乞休未行卒

張悅字時敏松江華亭人舉天順四年進士授刑部主事進員外郎成化中出爲江西僉事改督浙江學校力拒請託校士不糊名曰我取自信而已遷四川副使進按察使遭喪服闋補湖廣王府承奉張通縱恣悅繩以法及入覲中官尚銘督東廠衆競趨其門悅獨不往銘銜甚伺察無所得銘敗悅名益彰召拜右僉都御史孝宗立遷工部右侍郎轉吏部左

侍郎王恕爲尚書悅左右之嘗兩攝選事衆稱公允弘治六年夏大旱求言陳遵舊章卹小民崇儉素裁冗食禁濫罰數事又上修德圖治二疏並嘉納俄遷南京右都御史就改吏部尚書九年復改兵部參贊機務以年至屢疏乞休詔加太子少保馳傳歸卒贈太子太保謚莊簡時與悅同里而先後爲南京兵部尚書者有張瑩字廷器舉正統十三年進士景泰初擢御史歷江西副使按察使陝西左布政使成化三年以右副都御史巡撫寧夏城土築瑩始堯以輓道河流溉靈州屯田七百餘頃以父喪去服除起撫河間諸府改大同歷刑部左右侍郎十八年擢本部尚書越明年加太子少保又明年再以憂歸弘治元年起南京兵部尚書卒官贈太子太保謚莊懿瑩從曾孫鼎字世調萬曆中舉進士擢庶吉士授檢討遷司業天啓時屢遷少詹事上保身養性勤學敬天法祖親賢納諫信令恤民存體十事語斥近習魏忠賢惡之及擢南京禮部右侍郎上疏引疾忠賢責以詐疾要名削其籍鼎砥礪名節文章通達國體崇禎初起故官協理詹事府旋改吏部右侍郎未上卒

梁璟字廷美崞縣人舉天順末進士授兵科給事中成化時屢遷都給事中項忠征荆襄驅流民復業璟劾其縱兵逼迫較賊更慘語具忠傳延緩用兵令山西預征芻粟以供民相率逃亡太原一縣五日而逃者甚衆璟疏陳其困頗得寬減畿輔八府舊止設巡撫一人駐薊州以禦邊不能兼顧璟請

順天永平二府分設一巡撫以薊州邊務屬之令巡撫陳濂專撫保定六府兼督紫荆諸關朝議從之遂爲定制已與給事韓文王詔等奏請起致仕尚書王竑李秉而斥都御史王越并及宮闈隱事被撻文華殿武靖伯趙輔西征不敢戰稱病求還復謀興營府事璟等極論其罪乃令養疾歸九載秩滿擢陝西左參政分守洮岷西番入寇督兵斬其魁內艱服闋還原任歷左右布政使先後在陝十五年多政績孝宗嗣位遷右副都御史巡撫湖廣弘治二年民饑請免徵兩京漕糧八十九萬餘石從之帝登極詔書已罷四方額外貢獻而提督武當山中宮復貢黃精梅笋茶芽諸物武當道士先止四百至是倍之所度道童更倍咸衣食於官月給油蠟香楮灑掃夫役以千計中官陳喜又攜道士三十餘人各領護持勅所至張威虐璟皆力請停免帝頗從其言外艱服除再撫四川七年召拜南京吏部右侍郎久之就進戶部尚書致仕歸卒諡字文振趙人生有異姿學士曹鼐奇之妻以女天順末登進士授工科給事中睿皇后崩值秋享太廟時議謂不當以卑廢尊詔言禮有喪不祭無已則移日俟釋服議雖不行識者躉焉勘牧馬草場劾會昌侯孫繼宗撫寧侯朱永侵占罪時方面官缺令京卿三品保舉詔言此令若行卽奔競者得志帝不聽累遷都給事中八年七月勅修隆善寺工竣授工匠三十人官尚寶少卿任道遜等以書碑皆進秩詔上疏力諫不省已偕文璟等論及宮闈事帝大怒召至文華殿

灑掃夫役以千計中官陳喜又攜道士三十餘人各領護持勅所至張威虐璟皆力請停免帝頗從其言外艱服除再撫四川七年召拜南京吏部右侍郎久之就進戶部尚書致仕歸卒諡字文振趙人生有異姿學士曹鼐奇之妻以女天順末登進士授工科給事中睿皇后崩值秋享太廟時議謂不當以卑廢尊詔言禮有喪不祭無已則移日俟釋服議雖不行識者躉焉勘牧馬草場劾會昌侯孫繼宗撫寧侯朱永侵占罪時方面官缺令京卿三品保舉詔言此令若行卽奔競者得志帝不聽累遷都給事中八年七月勅修隆善寺工竣授工匠三十人官尚寶少卿任道遜等以書碑皆進秩詔上疏力諫不省已偕文璟等論及宮闈事帝大怒召至文華殿

面詰之詔仰呼曰臣等言雖不當然區區犬馬之誠知爲國而已乃杖而釋之出爲湖廣右參政原傑經畧荆襄詔襄理功爲多以父憂去服除再任遷右布政使弘治元年轉貴州左布政使其冬以右副都御史巡撫雲南土官好爭襲所司入其賄變亂曲直生邊患詔不通苞苴一斷以法且去弊政之不便者諸夷歸命邊徼寧戢有故官不能歸者妻子多鬻爲奴詔爲資給得歸者甚衆洪武中尚書吳雲繼王禕死事後禕諡忠文歲祀之而不及雲詔以爲請乃諡雲忠節與禕並祀四年召拜南京兵部右侍郎未上卒

徐恪字公肅常熟人成化二年進士授工科給事中中官欲出領抽分厥恪等疏爭中官怒請卽遣恪等將撫其罪無所得乃已出爲湖廣左參議遷河南右參政陝西饑當轉粟數萬石恪以道遠請輸直上下稱便弘治初歷遷左右布政使徽王府承奉司違制置吏恪革之王奏恪侵侮帝不聽貽書誠王河徙開封有議遷藩府諸司許州者恪言非便遂寢四年拜右副都御史巡撫其地奏言秦項梁唐龐勛元方谷珍輩往往起東南今東南民力已竭加水旱洊臻去冬彗掃天津直吳越地乞召還織造內臣勅撫按諸臣加意拊循以弭異變帝不從故事王府有大喪遣中官致祭所過爲民患成化末始就遣王府承奉及帝卽位又復之恪請如先帝制并條上汰冗官清賦稅禁科擾定贖例革抽分數事多議行戶部督責逋急恪以災變請緩其事御史李興請於鄖陽別設

三司割南陽荊州襄陽漢中保寧夔州隸之恪陳五不可乃止恪素剛正所至抑豪右祛奸弊及爲巡撫以所部多王府持法尤嚴宗人多不悅平樂義寧二王遂訐恪減祿米改校尉諸事勘無驗坐恪入王府誤行端禮門欲以平二王忿帝知恪無他而以二王幼降勅切責命湖廣巡撫韓文與恪易任吏民罷市泣送數十里不絕屬吏以羨金贖揮之去至則有中使攜鹽數百艘抑賣於民爲恪所持阻不行其黨密構於帝居一歲中旨改南京工部右侍郎恪上疏曰大臣進用宜出廷推未聞有傳奉得者臣生平不敢由他途進請賜罷黜帝慰畱乃拜命勢要家濫索工匠者悉執不予考績入都得疾遂致仕卒

李介字守貞高密人成化五年進士選庶吉士改御史巡鹽兩浙還掌河南道事以四方災傷陳時政數事帝多採用之介敢言遇事不可輒率同列論奏忤帝意兩撻於廷九載滿擢大理丞進少卿弘治改元遷右僉都御史巡撫宣府尋召佐院事歷兵部左右侍郎十年夏北寇謀犯大同命介兼左僉都御史往督軍餉且經畧之比至寇已退乃大修戎備察核官田牛具錢還之軍以其資償軍所運馬價邊人感悅先後條上便宜二十事卒贈尚書子昆字承裕弘治初進士歷禮部主事中官何鼎建言下獄臺諫救之咸被責昆上言頃言官救何鼎陛下不聽反詰所從聞鼎近臣而直言之禍如此况疎遠者科道言官而不得其言如此况他官當求言之

日而進言之難如此况平日乞納其言宥鼎不罪弗聽父憂歸改起兵部帝將建延壽塔於城外昆復疏諫正德初羣小用事請黜邪枉進忠直杜宦戚請乞節中外侈費皆不報進員外郎忤尚書劉宇貶知解州屢遷陝西左布政使十年以右副都御史巡撫甘肅與總督彭澤經畧哈密兵部尚書王瓊劾澤處置失宜語連昆下吏法司言昆設謀遏強寇功不可掩瓊不從請浙江副使世宗立瓊得罪復官巡撫順天尋召爲兵部右侍郎嘉靖初改左大同軍亂殺巡撫張文錦昆承制曲赦之還請收卹文錦帝方惡其激變不從遇疾歸久之卒

王鴻儒字懋學南陽人少工書家貧爲府書佐知府段堅愛其書畱署中親教之遣入學校爲諸生遂舉鄉試第一成化末登進士授南京戶部主事累遷郎中擢山西僉事進副使俱督學政居九年士風甚盛孝宗嘗語劉大夏曰藩臬中若王鴻儒他日可大用也正德改元謝病歸劉瑾擅政收召各流四年起爲國子祭酒以父喪去再起南京戶部侍郎歷吏部右侍郎尋轉左清正自持門無私謁十四年遷南京戶部尚書甫履任宸濠反命督軍餉疽發於背遂卒諡文莊鴻儒爲學務窮理致用宏博淵粹爲世所推弟鴻漸鄉試亦第一以進士累官山東右布政使以廉靖稱

黃珂字鳴玉遂寧人成化二十年進士授龍陽知縣治行聞擢御史出按貴州金達長官何礪謀不軌計擒之改設流官

賊婦米魯亂奏劾巡撫錢鉞總兵官焦俊等皆得罪改按畿輔歷山西按察使正德四年擢右僉都御史巡撫延綏河套亦不剌數擾邊珂偕總兵官馬昂督軍戰木瓜山大敗之六年復寇邊珂檄副總兵王勛等七將分據要害夾擊復大敗之六年賜璽書銀幣安化王寘鐸反傳檄四方用討劉瑾爲各他鎮畏瑾不敢以聞珂封上其檄因陳便宜八事而急令總兵官侯勛參將時源等分兵扼河東賊遂不敢出入爲戶部右侍郎總督倉場河南用兵出理軍餉主客兵十餘萬追奔轉戰還止無常珂隨方轉輸軍興無乏錄功增俸一級改刑部進左侍郎已改佐兵部寧王宸濠謀復護衛珂執議獨堅九年擢南京右都御史尋就拜工部尚書以年至乞休歸卒贈太子少保諡簡肅

叢蘭字廷秀文登人弘治中進士爲戶科給事中中官梁芳陳喜汪直韋興先以罪擯斥復竇緣還京蘭因清寧宮災疏陳六事極論芳等罪諸人竟廢尋言吏部遵詔書請擢用建言註誤諸臣而明旨不盡從非所以示信失儀被糾請免送詔獄畿內征徭繁重富民規免他戶代之宜釐正章下所司進兵科右給事中都督僉事吳安以傳奉得官蘭請罷之時命撥團營軍八千人修九門城濠言臣頃簡營軍詔許專事訓練無復差撥命下未幾旋復役之如前詔何帝頗採納遷通政參議小王子犯大同命經畧紫荊倒馬諸關塞蹊隧可通敵騎者百十所正德初進左通政尋出理延綏屯田安化

王宣鑄反蘭奏陳十事中文武官罰米者鬻產不能償朝臣謫戍刑官妄引新例鍛鍊成獄沒其家貲校尉徧行邊塞勢焰薰灼人不自保劉瑾大惡之矯旨嚴責給事中張瓚御史汪賜等遂希指劾蘭瑾方憂邊事乃獲免數月瑾誅進通政使俄擢戶部右侍郎督理三邊軍餉開中鹽引利率歸豪右至蘭無敢干乞商賈乃通六年召還會南畿及河南歲侵命蘭往賑未赴而河北賊自宿遷渡河將逼鳳陽乃命蘭以本官巡視廬鳳滁和兼理賑濟河南人趙景隆自稱宋王掠歸德鄴陽蘭遣兵擊斬之召還論功增俸一級大同有警命巡視居庸龍泉諸關尋兼督宣大軍餉進右都御史總制宣大山西軍務令內地皆築堡寇至收保如塞下寇五萬騎自

萬全右衛趨蔚州大掠又三萬騎入平鹵城南以失事停半歲俸改督漕運兼巡撫江北中官劉允取佛烏思藏道蘭境入謁辭不見允需舟五百餘艘役夫萬餘人蘭馳疏極陳其害不報治洪主事王爨以忤中官被逮抗章救之居四年以事忤兵部尚書王瓊解蘭漕務專任巡撫寧王宸濠反蘭移鎮瓜州十五年遷南京工部尚書世宗即位御史陳克宅劾蘭附江彬帝以蘭素清謹釋勿問蘭遂乞休去卒贈太子少保

王雲鳳字應韶和順人父佐南京戶部尚書雲鳳弱冠舉成化二十年進士授禮部主客主事弘治九年再遷祠祭郎中請天下府州縣學校悉立名宦鄉賢祠遂為定制副使楊茂

元言事得罪抗章救之申官李廣假左道誘帝請斬之以謝天下由是直聲震於時先後多論建又數代尚書條奏帝亦識其名而廣憾不置會駕出南郊視牲雲鳳乘馬駕後廣構於帝下詔獄謫陝州知州廣死擢陝西提學僉事正德初歷山東按察使所至皆以嚴著母喪去官服除張綵薦於劉瑾起國子祭酒雲鳳故性剛好以威懾眾及是益蒞以嚴急謗議紛起雲鳳雖由瑾進瑾故不甚喜司務孫聰瑾妹婿也還鄉雲鳳餞之郊外聰時已失權於瑾瑾語人曰聰何人士大夫至郊餞祭酒人師亦當爾否瑾誅言官劾其黨瑾遂乞休改南京右通政謝病歸楊士清爲吏部起右僉都御史巡撫宣府疏請建儲及免調邊軍父喪去起故官督兩浙鹽課再疏辭免未幾卒雲鳳爲祭酒時請刻瑾所行新例爲後世法又請瑾臨視國學如唐魚朝恩故事言官指爲五經掃地云吳世忠字懋貞金谿人弘治三年進士授兵科給事中兩畿及山東河南浙江民饑有詔賑恤所司俟勘覆世忠極言其弊因條上興水利復常平二事多施行已請恤建文朝殉難諸臣乞賜爵諡崇廟食且錄其子孫復其族屬爲忠義勸章下禮官寢不行尚書王恕被訐求去上疏請畱之壽寧侯張鶴齡求勘河間賜地其母金夫人復求不已帝命遣使世忠言侯家仰託肺腑豈宜與小民爭尺寸命部勘未已內臣繼之內臣未已大臣又繼之剝民斂怨非國家福尤非外戚之福不聽大同總兵官神英副總兵趙昶等因馬市令家人以

違禁緣繒易馬番人因闌入私易鐵器既出塞復潛兵掠蔚州陷馬營轉剽中東二路英等擁兵不救巡撫劉燾鎮守中官孫振又不以實聞事發世忠勘得其狀英落職燾振召還昶及游擊劉淮參將李瑛等俱逮問已而燾改大理少卿昶以大理丞吳一貫覆讞僅鑄級世忠復極論燾罪且詆一貫帝皆不問闕里文廟災陳八事請起謝鐸陳獻章張元禎周瑛召還王恕戴珊何喬新劉大夏時不能盡用寇犯延綏大同世忠言國初設七十二衛軍士不下百萬近軍政日壞精卒不能得一二萬人此兵足憂也太倉之儲本以備軍近支費日廣移用日多倘興師十萬犒賜無所取給此食足憂也正統己巳之變尚有石亨楊洪邇所用李杲阮興趙昶劉淮之屬先後皆敗今王璽馬昇又以失事告此將帥足憂也國家多事大臣有以鎮之邇者忠正多斥貪庸獲存既鮮匡濟之才又昧去就之節安能懾強敵壯國勢乎此任人足憂也政多舛乖民日咨怨京軍敝力役京民苦催科畿甸覬恩尤切顧使不樂其生至此臨難誰與死守此民心足憂也天變屢徵火患頻發雲南地震壓萬餘家大同馬災踏二千匹此天意足憂也願順好惡以收人心肅念慮以回天意遣文武重臣經畧宣大以飭邊防策免諸臣不肖者而起素有才望如何喬新劉大夏倪岳戴珊張敷華林俊諸人以任國事則賊將望風遠遁而邊境可無憂矣帝以言多詆毀切責之尋乞大同增置臺堡以閒田給軍耕墾不徵其稅江西歲饑盜

起請簡巡撫黜有司貪殘者又請築京師外城所司多從其
 議再遷吏科左給事中擢湖廣參議坐事降山東僉事旋召
 為光祿少卿改尚寶卿正德六年劉瑾敗言官劾世忠嘗請
 清核屯田助理為虐世忠故方鯁朝議寬之得免再遷大理
 少卿八年擢右僉都御史巡撫延綏寇在河套逐之失利乃
 引疾歸

明史藁

列傳第六十二終

明史藁

列傳第六十三

光祿大夫 經筵講官明史總裁戶部尚書加七級臣王鴻緒奉
 敕編撰

周洪謨

楊守陳

陳音

傅瀚

張昇

吳寬

謝鐸

張元禎

林瀚

庭機子

傅珪

吳儼

劉春

魯鐸

顧清

劉瑞

陸深

馬汝驥

吳山

瞿景淳

周洪謨字堯弼長寧人正統十年進士及第授編修博聞強

記善文詞熟國朝典故喜談經濟景泰元年疏勸帝親經筵勤聽政因陳時務十二事再遷侍讀憲宗嗣位復陳時務言人君保國之道有三曰力聖學曰修內治曰攘外侮力聖學之日一曰正心修內治之日五曰求真才去不肖旌忠良罷冗職恤漕運攘外侮之日六曰選將帥練士卒講陳法治兵器足饋餉靖邊陲帝嘉納焉成化改元廷議討四川都掌蠻洪謨上方畧六事詔付軍帥行之尋出爲南京祭酒上言南監有紅板倉二十間高皇后積粟以養監生妻帑者宜修復帝允行之改北監請復洪武中學規二十八條列榜戒諭崇信伯費淮入監習禮久不至洪謨劾之奪冠帶以儒巾赴監停歲祿半學政肅然先聖像用冕旒十二而舞佾豆籩數不

稱洪謨請備天子制又言古者鳴球琴瑟爲堂上之樂笙鏞祝敔爲堂下之樂而干羽則舞於兩階今舞羽居上樂器居下非古制當改尚書鄒幹駁止之洪謨再疏爭帝竟俞其議遷禮部右侍郎久之轉左以蔡傳所釋璿璣玉衡後人遵用其制考驗多不合宜改製帝卽以屬洪謨衆謂必不成洪謨易以木旬日而就進尚書加太子少保二十一年星變有所條奏帝多採納弘治元年四月天壽山震雷風雹樓殿瓦獸多毀洪謨復力勸修省帝深納之洪謨矜莊寡合然與萬安同鄉安居政府時頗與之善至是言官先後論奏致仕歸又三年卒謚文安洪謨嘗言士人出仕或去鄉數千里大拂人情不若就近選除王府官終身不遷乖祖制當稍變更都掌

蠻及白羅羅昇子數叛宜特設長官司就擇其人任之庶無後患將沒猶上安中國定四裔十事其好建白如此

楊守陳字維新鄞人祖範有學行嘗誨守陳以精思實踐之學守陳受教作致知力行持敬三銘舉景泰二年進士改庶吉士授編修成化初充經筵講官進侍講英宗實錄成遷洗馬尋進侍講學士同修宋元通鑑綱目母憂闋起故官孝宗出閣爲東宮講官時編文華大訓事涉宦官者皆不錄守陳以爲非備列其善惡得失書成進少詹事孝宗嗣位宮僚悉遷秩執政擬守陳南京吏部右侍郎帝舉筆去南京字左右言劉宣見爲右侍郎帝乃改宣左而以守陳代之修憲宗實錄充副總裁弘治收元正月上疏曰孟子言我非堯舜之道不敢陳於王前夫堯舜之道何道書曰人心惟危道心惟微惟精惟一允執厥中此堯舜之得於內者深而爲出治之本也詢四岳闢四門明四目達四聰此堯舜之資於外者博而爲致治之綱也臣昔忝宮僚伏覩陛下朗讀經書未嘗究聖賢與旨儒臣畧陳訓詁未嘗論帝王要道是陛下得於內者未深也今視朝所接見者大臣之丰采而已君子小人之情狀小臣遠臣之才行何由識退朝所披閱者百官之章奏而已諸司之典例郡吏之情弊何由見宮中所聽信者內臣之語言而已千官之正議萬姓之繁言何由聞恐陛下資於外者未博也願遵祖宗舊制開大小經筵日再御朝大經筵及早朝但如舊儀若小經筵必擇端方博雅之臣更番進講苟

有未明輒賜清問凡聖賢經旨帝王大道以及人臣賢否政事得失民情休戚必講之明而無疑乃可行之篤而無弊若夫前朝經籍祖宗典訓百官奏章皆當時文華殿後日令內閣一人講宮二人居前殿右廂陛下退朝來御悉加披覽有疑則詢必洞晰而後已一日之間居文華殿之時多處乾清宮之時少則欲寡心清臨政不惑得於內者深而出治之本立矣午朝則御文華門大臣臺諫更番侍直事已具疏者用揭帖畧奏陛下詳問而裁決之在外文武來覲俾條列地方事口陳大要付諸司評議其陞辭赴任者隨其職任而戒諭之有大政則御文華殿使大臣各盡其謀不當則許言官駁正其他具疏進者召閣臣面議然後批答而於奏事辭朝諸

臣必降詞色詳詢博訪務竭下情則資於外者博而致治之綱舉矣若如經筵常朝祇循故事凡百章奏皆付內臣調旨批答臣恐積弊未革後患滋深且今積弊不可勝數官鮮廉耻之風士多浮競之習教化凌夷刑禁弛懈俗侈而財滋乏民困而盜日繁列衛之城池不修諸郡之倉庫鮮積甲兵朽鈍行伍空虛將驕惰而不知兵士疲弱而不習戰一或有警何以禦之此臣所以朝夕憂思至或廢寢忘食者也帝深嘉納後果復午朝召大臣面議政事由守陳啟之也尋以史事繁乞解部務章三上乃以本官兼詹事府丞專事史館二年卒諡文懿贈禮部尚書弟守陞子茂元茂仁守陞字維立成化初鄉試第一入國學祭酒邢讓下獄率六館生伏闕訟冤

十四年進士及第授編修秩滿故事無遷留都者會從兄守隨爲李孜省所逐欲并逐守陞乃以爲南京侍讀弘治初召修憲宗實錄直經筵再遷侍講學士給事御史龐泮等以救知州劉遜悉下獄吏部尚書屠滸奏遣他官攝之守陞貽書極詆瀟失十年大計京官守陞時掌院事言臣與掌詹事府學士王鏊俱當聽部考察但臣等各有屬員進與吏部會考所屬則坐堂上退而聽考又當候階下我朝優假學士慶成侍宴班四品上車駕臨雍坐彝倫堂內視三品此故事也今四品不與考察則學士亦不應與臣等職講讀撰述稱否在聖鑒苟非其人立當賜黜有不待考察者詔可學士不與考察自守陞始修會典充副總裁尋遷南京吏部右侍郎嘗署

兵部陳時弊五事改署國子監考績入都會典猶未成仍留爲總裁事竣遷左侍郎還任進二秩武宗立引年乞休不待報竟歸詔加尚書致仕劉瑾亂政奪其加官瑾敗乃復久之卒守陞博極群書師事兄守陳學行相埒其爲解元學士侍郎皆與兄同又對掌兩京翰林院人尤艷稱之守陳卒守陞爲位哭奠者三年茂元字志仁成化十一年進士授刑部主事歷郎中出爲湖廣副使改山東弘治七年河決張秋詔都御史劉大夏治之復遣中官李興平江伯陳銳繼往興威虐繫辱按察使茂元攝司事奏言治河之役官多而責不專有司供億日費百金諸臣初祭河天色陰晦帛不能燃所焚之餘宛然人面具耳目口鼻觀者駭異鬼神示怪夫豈偶然乞

召還興銳專委大夏功必可成且水者陰象今后戚家威權太盛假名姓肆貪暴者不可勝數請加禁防以消變異畫工藝士宜悉放遣山東既有內臣鎮守復令李全鎮臨清宜撤還疏入下山東撫按勘奏言焚帛之異誠有之所奏供億多過其實於是興銳連章劾茂元妄而帝又入外戚張氏言遂遣錦衣百戶胡節逮之父老遮道懇節乞還楊副使及陛見茂元長跪不伏帝益怒置之詔獄節乃遍叩中官備言父老懇冤狀中官多感動會言者交論救部擬贖杖還職特謫長沙同知謝病歸久之起安慶知府遷廣西左參政正德四年劉瑾遣御史孫迪校勘錢穀索賄不予瑾又惡茂元從父守隨遂勒致仕瑾誅起官江西俄遷雲南左布政使以右副都御史巡撫貴州改蒞南京都察院終刑部右侍郎茂仁字志道成化末進士歷刑部郎中遼東鎮守中官梁玘被劾偕給事中往按盡發其罪終四川按察使

陳音字師召莆田人天順末進士改庶吉士授編修成化六年三月以災異陳時政言講學莫先於好問陛下雖問御經筵然勢分嚴絕上有疑未嘗問下有見不敢陳願引儒臣賜坐便殿從容咨論仰發聖聰異端者正道之反法王佛子真人宜一切罷遣致仕尚書李秉在籍修撰羅倫編修張元禎新會舉人陳獻章皆當世人望宜召還秉等而置獻章臺諫言官多緘默願召還判官王徽評事章懋等以開言路忤旨切責司禮太監黃賜母死廷臣皆往弔獨翰林不往侍講徐

瓊謀於衆音大怒曰天子侍從臣相率拜內豎之室若清議何瓊愧沮秩滿進侍講汪直黨韋瑛夜帥邏卒入兵部郎中楊士偉家縛士偉考掠及其妻子音與比隣乘墉大呼曰爾擅辱朝臣不畏國法耶其人曰爾何人不畏西廠音厲聲曰我翰林陳音也久之遷南京太常少卿劉吉父喪起復音貽書勸其固辭吉不悅後吏部擬用音吉輒阻之曰腐儒以故十年不得調嘗與守備中官爭事爲所劾事卒得直弘治五年吉罷始進本寺卿越二年卒音負經術士多游其門者然性健忘凡世故瓌屑及諸儂薄事皆不解世多以不慧事附之以爲笑然不盡實也

傅瀚字曰川新喻人天順八年進士選庶吉士除檢討嗜學強記善詩文再遷左諭德直講東宮孝宗嗣位擢太常少卿兼侍讀歷禮部左右侍郎尋命兼學士入東閣專典誥敕兼掌詹事府事弘治十三年代徐瓊爲禮部尚書保定獻白鵲疏斥之陝西巡撫熊翀以鄠縣民所得白玉璽來獻色微青文曰受命於天旣壽永昌背有螭紐周廣一尺四寸厚二寸翀等以爲秦璽復出也瀚率同列言秦璽完毀具載簡冊今所進璽篆紐皆不類與宋元所得璽色又殊蓋後人倣爲之且帝王受命在德不在璽太祖製六璽列聖相承百三十餘載天休滋至受命之符不在秦璽明矣請姑藏內府帝是其言薄賞得璽者京師星變地震雨雹四方多變異瀚條上軍民所不便者請躬行節儉以先天下光祿寺逋行戶物價至

四萬餘兩瀚言由供億之濫願敦儉素俾冗費不生所條奏率傅正議十四年卒贈太子太保謚文穆監生江瑤劾內閣劉健等或謂瀚實嫉之爲攘位計旣而恐謀洩遂嫁禍程敏政後恍惚見敏政入其室瀚憂悸得疾死云

張昇字啟昭南城人成化五年進士第一授修撰歷諭德弘治改元遷庶子大學士劉吉當國昇因天變疏言陛下卽位言者率以萬安劉吉尹直爲言安直被斥吉獨存吉乃傾身阿佞取悅言官昏暮欵門祈免糾劾許以超遷由是諫官緘口奸計始遂貴戚萬喜依憑宮壺凶焰熾張吉與締姻及喜下獄猶爲營捄父存則異居各爨父沒則奪情起官談笑對客無復戚容盛納艷姬恣爲淫黷且歷數其納賄縱子等十

罪吉憤甚風科道劾昇誣詆調南京工部員外郎吉罷復故官歷禮部左右侍郎十五年代傅瀚爲尚書孝宗崩直人陳應循西番灌頂大國師那卜堅參等以被除率其徒入乾清宮昇請寘之法詔奪直人國師高士等三十餘人名號斥逐之昇在部五年遇災異輒進直言亦數爲言者所攻然自守謹飭正德初以秦府鎮國將軍誠激請襲封保安王事忤劉瑾謝病詔加太子太保乘傳歸月米歲夫如制

吳寬字原博長洲人以文行有聲諸生間成化八年會試廷試皆第一授修撰侍孝宗東宮每進講閑雅詳明宦豎多不欲太子近儒臣數移事間講讀寬率其僚上疏曰東宮講學寒暑風雨則止朔望令節則止一年不過數月一月不過數

日一日不過數刻是進講之時少輟講之日多豈容復以他事妨誦讀古人八歲就傅卽居宿於外欲離近習親正人耳庶民且然矧太子天下本哉帝嘉納之秩滿進右諭德孝宗卽位以舊學遷左庶子預修憲宗實錄成進少詹事兼侍讀學士弘治九年擢吏部右侍郎丁繼母憂吏部員缺命虛位待之服滿還任轉左改掌詹事府入東閣專典誥勅十六年進禮部尚書餘如故先是孝莊錢太后崩廷議孝肅周太后萬歲後竝葬裕陵祔睿廟禮皆如適至是孝肅崩將祔廟帝終以並祔爲疑下禮官集議寬言魯頌闕宮春秋考仲子之宮皆別廟漢唐亦然至宋始有竝祔者其禮已謬然皆繼室非子孫嗣位尊崇所生也惟李宸妃歿仁宗傷痛始追尊祔

祭非禮不足爲法會大臣亦多主別廟帝乃從之時詞臣望重者寬爲最謝遷次之遷旣入閣嘗爲劉健言欲引寬共政健固不從他日又爭之曰吳公科第年齒聞望皆先於遷遷實自愧豈有私於吳公耶及遷引退舉寬自代亦不果用中外皆爲之惜而寬甚安之年七十數引疾輒慰留竟卒於官贈太子太保謚文定授長子爽中書舍人補次子與國子生異數也寬行履高潔不爲激矯而自守以正於書無不讀詩文有典則兼工書法有田數頃嘗以周親故之貧者友人賀恩疾遷至邸旦夕視之恩死爲衣素一月

謝鐸字鳴治浙江太平人天順末進士改庶吉士授編修預修英宗實錄性介特力學慕古講求經世務成化九年校勘

通鑑綱目上言綱目一書帝王龜鑑陛下命重加考定必將進講經筵爲制治資也今天下有太平之形無太平之實因仍積習廢實徇名曰振綱紀而小人無畏忌曰勵風俗而縉紳棄廉耻飭官司而汙暴益甚恤軍民而罷敝益極減省有制而典作每疲於奔命蠲免有詔而徵斂每困於追呼考察非不舉而倖門日開簡練非不行而私撓日衆賞竭府庫之財而有功者不勸罰窮讞覆之案而有罪者不懲以至修省祈禱之命屢頒水旱災傷之來不絕禁垣被震城門示災不思竦動旋轉以大答天人之望是則誠可憂也願陛下以古證今兢兢業業然後可長治久安而載籍不爲無用矣帝不能從時塞上有警條上備邊事宜請養兵積粟收復東勝河

套故疆又言今之邊將無異晚唐債帥敗則士卒受其殃捷則權豪蒙其賞且尅侵軍餉辦納月錢三軍方怨憤填膺孰肯爲國效命者語皆切時弊秩滿進侍講直經筵遭兩喪服除以親不逮養遂不起弘治初言者交薦以原官召修憲宗實錄三年擢南京國子祭酒明年謝病去家居將十年薦者益衆會國子缺祭酒部議起之帝素重鐸特擢禮部右侍郎管祭酒事屢辭不許時章懋爲南祭酒兩人皆人師諸生交相慶居五年引疾歸鐸經術湛深爲文章有體要兩爲國子師嚴課程杜請謁增號舍修堂室擴廟門置公廨三十餘居其屬諸生貧者賙恤之死者請官定制爲之殮家居好周恤族黨自奉則布衣蔬食正德五年卒贈禮部尚書諡文肅

張元禎字廷祥南昌人五歲能詩寧靖王召見命名元徵巡撫韓雍器之曰人瑞也乃易元禎舉天順四年進士改庶吉士授編修憲宗嗣位疏請行三年喪不省預修英宗實錄與執政議不合引疾家居講求性命之學閱二十年中外交薦皆不赴弘治初召修憲宗實錄進左贊善上言人君不以行王道爲心非大有爲之主也陛下毓德青宮已負大有爲之望邇者頗崇異端嬖近習以蠱此心殖貨利耽玩好以荒此心開侍門塞言路以昧此心則不能大有爲矣願定聖志一聖學廣聖智疏反覆累萬言帝頗納之實錄成遷南京侍講學士以養母歸久之召爲會典副總裁至則進學士充經筵日講官帝甚傾向元禎體清癯長不踰中人帝特設低几聽之數月以母憂去服闋遷南京太常卿已修通鑑纂要復召爲副總裁以故官兼學士改掌詹事府帝晚年德益進元禎因請讀通書西銘諸書帝亟取觀之喜曰天生斯人以開朕也欲大用之無幾晏駕武宗立擢吏部左侍郎兼學士入東閣專典誥敕元禎素有盛譽林居久晚乃復出館閣諸人悉後輩見元禎言論意態以爲迂濶多姍笑之又名位相軋遂騰謗議言官交章劾元禎亦屢疏乞休劉健力保持之健去元禎亦卒天啟初追諡文裕

林瀚字亨大閩人父元美永樂末進士撫州知府瀚舉成化二年進士改庶吉士授編修再遷左諭德請急歸弘治初召修憲宗實錄充經筵講官稍遷國子監祭酒進禮部右侍郎

掌監事如故典國學垂十年饌銀歲百數悉貯之官以次營立署舍師儒免僦居由瀚始歷吏部左右侍郎十三年拜南京吏部尚書以災異率羣僚陳十二事御史王獻臣自遼東逮下詔獄儒士孫伯堅等貢緣為中書舍人瀚疏爭忤旨乞罷不許已奏請重根本曰保固南京曰佑啟皇儲曰撫綏百姓曰增進賢才正德改元再引年乞休因陳養正心崇正道務正學親正人四事優詔慰留其年夏災異數見復率群僚條時政十二語涉近倖多格不行時吏部尚書馬文升去位言官丘俊石介等薦瀚帝用侍郎焦芳乃改瀚南京兵部參贊機務瀚素剛方與守備中官不合他內臣進貢道其地者瀚每裁抑之遂交譖於劉瑾會劉健謝遷罷政瀚聞太息言

官戴銑等以留健遷被徵瀚獨贖送瑾聞益恨遂假銑等獄詞謫瀚浙江參政旋指為奸黨罷歸瑾誅復官致仕予月廩歲隸如故事尋命有司歲時存問瀚為人謙厚而自守介然卒年八十六贈太子太保謚文安子九人庭梲庭機最顯庭梲字利瞻瀚次子也弘治十二年進士授兵部主事歷職方郎中吏部尚書張綵欲改為御史固謝之綵乃以為蘇州知府頻歲大水疏請停織造罷繁征割關課備賑再上始報可遷雲南左參政正德九年以父老乞侍養時子炫已成進士官禮部主事亦謁假歸三世一堂鄉人稱盛事嘉靖初父憂服闋起官江西歷湖廣左右布政使舉治行卓異擢右副都御史巡撫保定諸府尚書桂萼胡世寧等考覈巡撫去留令

解職改除用薦起南京兵部右侍郎召爲工部右侍郎應詔
言郊壇大工南城西苑相繼興作請以儉約先天下又因災
傷乞撤還採木燒造諸使進左拜尚書加太子太保時帝方
大興土木功庭棹所規畫多稱意會詔建沙河行宮庭棹議
加天下田賦御史桑喬劾庭棹與嚴嵩張瓚張雲俱不職給
事中管見亦劾之庭棹乞罷歸卒贈少保諡康懿炫終通政
司參議庭棹字利仁瀚季子也瀚年七十三初授參贊機務
之命而生庭棹遂以爲名舉嘉靖十四年進士改庶吉士授
檢討遷司業擢南京祭酒就徙太常卿累遷至工部尚書穆
宗立調禮部俱官陪京時子熾已爲祭酒遂致仕歸萬曆九
年卒年七十有六贈太子太保諡文僖子熾煊熾字貞恒庭

棹長子嘉靖二十六年進士改庶吉士授檢討景恭王就邸
命熾侍講讀三遷國子祭酒白熾祖瀚父庭棹三世爲祭酒
前此未有也隆慶改元擢禮部右侍郎充日講官議修九陵
命熾往視還言惟長陵當修遂省金錢鉅萬寇犯邊條上備
邊七事改吏部調南京吏部署禮部事魏國公徐鵬舉廢長
立幼熾持不可萬曆元年進工部尚書改禮部仍居南京名
位一與父庭棹等母喪去官服闋以庭棹篤老侍養於家歸
七年先父庭棹卒贈太子少保諡文恪明代三世爲尚書並
得諡文林氏一家而已子世勤性篤孝父卒枕塊三年侍母
黃氏不離側有靈芝三見枯篁復青之異御史上其事被旌
煊字貞燿庭棹次子也嘉靖四十一年進士授戶部主事歷

廣西副使兄煉卒請急歸養久之以故官蒞浙江徙廣東參政召爲太僕少卿因災異極陳礦稅之害請釋逮繫諸臣不報歷南京大理卿萬曆三十九年召爲刑部右侍郎明年拜南京工部尚書尋致仕林氏三世五尚書皆內行修潔爲時所稱

傅珪字公瑞清苑人成化末進士改庶吉士弘治中授編修尋兼司經局校書與修大明會典書成遷左中允武宗立以東宮恩進左諭德充講官纂修孝宗實錄時詞臣不附劉瑾瑾惡之摘會典訛字鐫與修者官降珪修撰俄以實錄成進左中允再遷翰林學士擢吏部右侍郎六年遷左時楊一清爲尚書汲引豪俊喜功名者競趨其門亦稍通餽遺珪剛直

數言一清私一清弗能堪驟擢珪禮部尚書實遠之也禮部事視他部爲簡自珪數有執爭章奏遂多大學士李東陽壻爲儀制郎中前尚書與暱恣其所爲字之而不官珪獨以事責讓數撻其胥吏郎中乃遷開曹避去帝好佛自稱大慶法王番僧乞田百頃爲法王下院中旨下部稱大慶法王與聖旨竝珪佯不知執奏孰爲大慶法王敢與至尊竝書大不敬詔勿問田亦竟止珪居閒類木訥者及當大事毅然執持人不能奪卒以此忤權倖去教坊司臧賢請易牙牌製如朝士又請改鑄方印珪格不行賢日夜騰謗於諸閣間冀去珪流寇擾中原中貴陸閻謀督師下廷議莫敢先發珪厲聲曰師老民疲賊日熾以冒功者多僨事者漏罰失將士心先所遣

已無功可復遣耶今賊橫行郊圻肘腋間民囂然思亂禍旦夕及宗社吾儕死不償責諸公安得首鼠兩端由是議罷疏上竟遣閭而中貴皆憾珪御史張羽奏雲南災珪因極言四方災變可畏八年五月復奏四月災因言春秋二百四十二年災變六十九事今自去秋來地震天鳴雹降星殞龍虎出見地裂山崩凡四十有二而水旱不與焉災未有若是甚者極陳時弊十事語多斥權倖權倖益深嫉之會戶部尚書孫交亦以守正見忤遂矯旨令二人致仕兩京言官交章請留不聽珪歸三年御史盧雍稱珪在位有古大臣風家無儲蓄日給爲累乞頒月廩歲隸以示優禮又謂珪剛直忠讜當起用吏部請如雍言不報而珪適卒年五十七遺命母請卹典撫按以爲言詔廕其子中書舍人嘉靖元年錄先朝守正大臣追贈太子少保諡文毅

吳儼字克溫宜興人成化末舉進士改庶吉士授編修歷侍講學士掌南京翰林院正德初召修孝宗實錄直講筵劉瑾竊柄聞儼家多貲遣人啗以美官儼峻拒之瑾怒會大計群吏中旨罷儼官瑾誅復職歷禮部左右侍郎拜南京禮部尚書十二年武宗北巡儼抗疏切諫明年復偕諸大臣上疏曰臣等初聞駕幸昌平曾具疏極論不蒙採納既聞出居庸幸宣大宰輔不及知群臣不及從三軍之士不及衛京師內外人心動搖徐淮以南荒饑千里去冬雨雪爲災民無衣食安保其不爲盜所禦之寇尚遠隔陰山而不虞之禍或猝起於

肘腋臣所大懼也不報十四年卒官贈太子少保謚文肅
劉春字仁仲巴人成化末進士及第授編修屢遷翰林學士
正德六年擢吏部右侍郎進左八年拜禮部尚書准王祐棨
鄭王祐檠皆由旁支襲封而祐棨稱其本生爲考祐檠并欲
追封入廟交城王秉杙由鎮國將軍嗣爵而欲進其妹爲縣
主春皆據禮駁之遂著爲例帝崇信西僧常襲其衣服演法
內殿有綽吉我些兒者出入豹房封大德法王遣其徒二人
還烏思藏請給國師誥命如大乘法王例歲時入貢且得齋
茶以行春持不可帝命再議春執奏曰烏思藏遠在西方性
極頑獷雖設四王撫化其來貢必有節制使不爲邊患若許
其齋茶給之誥勅萬一假上旨以誘羌人妄有請乞不從失

異俗心從之則滋害奏上罷齋茶卒與誥命已春又奏西番
俗信佛教故祖宗承前代舊設立烏思藏諸司及陝西洮岷
四川松潘諸寺令化導番人許之朝貢貢期人數皆有定制
比緣諸番僻遠莫辨真僞中國逃亡罪人習其語言竄身在
內又多朔寺請額番貢日增雖罄民財充賞不給乞嚴核以
尊國體報可廣東布政使羅榮等入覲各言鎮守內臣入貢
之害春列上累朝停革貢獻詔旨且言四方水旱盜賊軍民
困苦狀乞罷諸鎮守臣不納春掌禮三年慎守彝典宗藩請
封請婚及文武大臣祭葬贈謚多所裁正遭憂服闋起南京
吏部尚書尋以禮部尚書專典誥勅掌詹事府事十六年卒
贈太子太保謚文簡劉氏世以科第顯春父規御史弟台雲

南參政子彭年巡撫貴州右副都御史彭年子起宗遼東苑馬寺卿起宗子世賞廣東左布政使台子鶴年雲南布政使以清譽聞鶴年孫世曾巡撫雲南右副都御史有征緬功皆由進士

魯鐸字振之景陵人弘治十五年會試第一改庶吉士授編修閉門自守不妄交武宗立使安南却其餽還遷國子監司業累擢南祭酒尋改北鐸屢典成均教士切實爲學不專章句士有假歸廢學者訓飭之悔過乃已久之謝病歸嘉靖初以刑部尚書林俊薦用孝宗朝謝鐸故事起南祭酒踰年復請致仕累徵不起卒謚文恪鐸以德望重於時居鄉有盜掠牛馬或給云魯祭酒物也立舍之去大學士李東陽生日鐸

爲司業與祭酒趙永皆其門生也相約以二帕爲壽比檢筭亡有徐曰鄉有饋乾魚者盍以此往詢諸庖食過半矣以其餘詣東陽東陽喜爲烹魚置酒留二人飲極歡乃去永字爾錫臨淮人與鐸同年進士由庶吉士授編修復與鐸相繼爲祭酒尋遷南京禮部侍郎大學士楊一清重其才欲引以自助乃爲他語挑之永正色曰可以纓冕污吾道乎遂請致仕去人服其廉介

顧清字士廉松江華亭人弘治五年舉鄉試第一明年成進士改庶吉士授編修與同年生毛澄羅欽順汪俊相砥以名節進侍讀正德初劉瑾竊柄清邑子張文冕爲謀主附者立尊顯清絕不與通瑾銜之摘會典小誤挫諸翰林清降編修

又盡調諸翰林爲部屬清得南京兵部員外郎瑾誅還翰林擢侍讀學士掌院事尋遷少詹事充經筵日講官進禮部右侍郎時澄已爲尚書清協恭守職前後請建儲宮罷巡幸疏凡十數上世宗嗣位爲御史李獻所劾罷歸清學端行謹恬於進取家居薦者相繼悉報寢嘉靖六年詔舉老成堪用內閣者廷推及清乃以爲南京禮部右侍郎上言錦衣職侍衛祖宗朝非機密不遣正德間營差四出海內騷然陛下所親見近乃遣千戶勘楊州高滄爭私財事囚其女歸憎毒備加請自今悉付所司停旂校無遣從之屢疏引疾詔進尚書致仕時方進表入都道卒諡文僖

劉瑞字德符內江人父時敦官山東僉事以廉惠稱瑞舉弘治九年進士選庶吉士授檢討好學潔修遇事輒有論建清寧宮災請罷醮壇時召內閣講官延訪治道疏言故閣李廣門下內臣宜悉罪前太監汪直先帝罪人今來覲用當斥遠之副使楊茂元郎中王雲鳳以直言獲罪宜召復其職京師之萬春宮興濟真武廟壽寧侯第在外之興岐衡雍汝涇諸府土木繁興宜悉罷不急者都勻之捷鄧廷瓚冒其功賀蘭之征王越啟其釁請追正欺罔之罪報聞闕里廟成遣內閣李東陽祭告瑞請更定先師封諡不果行武宗卽位疏陳端治本九事請召祭酒章懋侍郎王鏊都御史林俊雍泰而超擢參政王綸副使王雲鳳僉事胡獻知府楊茂元照磨余濂由是諸臣多獲進劉瑾肆虐瑞卽謝病貧不能還鄉依從母

子李充嗣於澧州瑾榜瑞爲奸黨又以前薦雍泰除其名罰米輸塞上坐是益困授徒自給瑾誅以副使督浙江學校召爲南京太僕少卿嘉靖二年由南太常卿就遷禮部右侍郎因災變偕同官條上六事且言齋醮無益且妨政織造多費且病民帝多納用之大禮議起瑞偕九卿合疏極言大宗小宗之義凡數千言四年卒官贈尚書隆慶初謚文肅陸深字子淵上海人弘治末進士選庶吉士授編修劉瑾改深南京刑部主事瑾誅復故官遷國子司業父憂歸久之不起嘉靖七年召爲國子祭酒充經筵講官嘗面奏講章爲閣臣所改大學士桂萼因進深原藁言講章臣所更也帝方向萼曰講章宜由閣臣閱進苟任講官私意將有雜說亂之深

復上言宜令講官各陳所見且於釋詁之外凡天下政事舉得條列可以發聰明絕壅蔽章入帝責其欺妄謫延平府同知擢山西提學副使與御史趙鏜爭事互劾鏜謫官深逮問復職已改浙江仍視學政三遷四川左布政使轉光祿卿大學士夏言深門生也薦改太常卿兼侍讀學士簡官僚進詹事九廟災自陳致仕居數年卒贈禮部右侍郎謚文裕深博學工書法好著述有聲館閣間同時官翰林者南海倫文叙歙縣唐皋亦皆有物望文叙字伯疇長身玉立頭顱二尺許弘治十二年會試殿試皆第一授修撰進諭德孝友好學德器粹然正德中卒長子以諒鄉試第一由庶吉士改御史累官南京通政參議次以訓會試第一殿試第二官南京國子

祭酒父子四元海內傳盛事焉皋正德九年進士第一授修撰嘉靖二年尚書林俊求去皋疏留之報聞帝將考興獻帝皋數諫請於本生備其尊稱以伸追遠之道繫其始封以遠正統之嫌帝怒停俸三月皋爲文下筆立就或請改竄迅筆更撰不襲前文一字人服其才終侍讀學士

馬汝驥字仲房綏德人正德十二年進士改庶吉士武宗將南巡偕同館舒芬等切諫罰跪受杖教習期滿當授編修特調澤州知州懲王府人虐小民比王有所屬輒投其書櫝中不視陵川知縣貪汝驥欲黜之巡按御史爲曲解汝驥不聽竟褫其官世宗立召復編修尋錄直諫功增秩一等預修武宗實錄進修撰歷兩京國子司業擢南京右通政就改國子

復上言宜令講官各陳所見且於釋詁之外凡天下政事舉得條列可以發聰明絕壅蔽章入帝責其欺妄謫延平府同知擢山西提學副使與御史趙鏗爭事互劾鏗謫官深逮問復職已改浙江仍視學政三遷四川左布政使轉光祿卿大學士夏言深門生也薦改太常卿兼侍讀學士簡宮僚進詹事九廟災自陳致仕居數年卒贈禮部右侍郎諡文裕深博學工書法好著述有聲館閣間同時官翰林者南海倫文叙歙縣唐皋亦皆有物望文叙字伯疇長身玉立頭顱二尺許弘治十二年會試殿試皆第一授修撰進諭德孝友好學德器粹然正德中卒長子以諒鄉試第一由庶吉士改御史累官南京通政參議次以訓會試第一殿試第二官南京國子

祭酒父子四元海內傳盛事焉舉正德九年進士第一授修撰嘉靖二年尚書林俊求去舉疏留之報聞帝將考興獻帝舉數諫請於本生備其尊稱以伸追遠之道繫其始封以遠正統之嫌帝怒停俸三月舉爲文下筆立就或請改竄迅筆更撰不襲前文一字人服其才終侍讀學士

馬汝驥字仲房綏德人正德十二年進士改庶吉士武宗將南巡偕同館舒芬等切諫罰跪受杖教習期滿當授編修特調澤州知州懲王府人虐小民比王有所屬輒投其書櫝中不視陵川知縣貪汝驥欲黜之巡按御史爲曲解汝驥不聽竟褫其官世宗立召復編修尋錄直諫功增秩一等預修武宗實錄進修撰歷兩京國子司業擢南京右通政就改國子

祭酒召拜禮部右侍郎尚書嚴嵩愛重汝驥入閣稱之帝特加侍讀學士寵之汝驥行已峭厲然性故和易人望歸焉卒贈尚書謚文簡

吳山字曰靜高安人嘉靖十四年進士及第授編修累官禮部左侍郎入西苑供奉青詞三十五年改吏部尋代王用賓爲禮部尚書明年加太子太保山與嚴嵩鄉里嵩子世蕃介大學士李本飲山欲與爲婚姻山不可世蕃不悅而罷帝欲用山內閣嵩密阻之府丞朱隆禧者考察罷官獻方術得加禮部侍郎及卒請卹山執不與僉都御史唐順之卒於軍總督胡宗憲疏其以死勤事請優卹山亦不與大學士靳貴妻早寡及老有司奏請旌表山不可徐階爲之言山正色曰相

公慮閣老夫人再醮耶階默然而罷裕景二邸竝建國本未定三十九年冬帝忽諭禮部具景王之藩儀嵩知帝激於郭希顏疏欲覘人心諷山留王山曰中外望此久矣立具儀以奏王竟之藩司禮監黃錦嘗竊語山曰公他日得爲編氓幸矣王之藩非帝意也明年二月朔日當食微陰曆官言日食不見卽同不食帝以爲天眷喜甚嵩趣部急上賀侍郎袁燁亦爲言山仰首日日方虧將誰欺耶仍揀護如常儀帝大怒山引罪帝謂山守禮無罪而責禮科對狀給事中李東華等震懼劾山請與同罪帝乃責山賣直沽名停東華俸嵩言罪在部臣帝乃賞東華等命姑識山罪吏科梁夢龍等見帝怒山甚又惡專劾山乃并吏部尚書吳鵬劾之詔鵬致仕山冠帶閒住時皆惜山而深快鵬之去穆宗卽位召爲南京禮部尚書堅辭不赴卒贈少保謚文端

瞿景淳字師道常熟人八歲能屬文久困諸生間教授里中自給嘉靖二十三年舉會試第一殿試第二授編修鄭王厚烷以言事廢徙鳳陽景淳奉勅封其子載堉爲世子攝國事世子內懼贖重幣景淳却之時恭順侯吳繼爵爲正使已受幣慚景淳亦謝不納旣而語景淳曰上遣使密詞狀微公吾幾中法滿九載遷侍讀請急歸江南久苦倭總督胡宗憲師未捷景淳還京謁大學士嚴嵩嵩語之曰倭旦夕且平胡總督才足辦南中人短之何也景淳正色曰相公遙度之耳景淳自南來目覩倭患胡君坐擁十萬師南中人不得一安枕

臥相公不欲聞誰爲言者嵩愕然謝之歷侍讀學士掌院事
改太常卿領南京祭酒事就遷吏部右侍郎隆慶元年召爲
禮部左侍郎用總校永樂大典勞兼翰林學士支二品俸侍
經筵修嘉靖實錄疾作累疏乞骸骨歸踰年卒贈禮部尚書
諡文懿爲編修時典制誥錦衣陸炳先後四妻欲封最後者
景淳撰詞不可介嚴嵩爲請亦不應橐金以投卒笑謝之子
汝稷汝說汝稷字元立好學工屬文以廕補官三遷刑部主
事扶溝知縣扶宗人神宗令予重比汝稷曰是微服至邑庭
官自扶扶溝民耳獻上竟得釋歷黃州知府徙邵武再守辰
州永順土司彭元錦助其弟保靖土司象坤與酉陽冉御龍
相讐殺汝稷馳檄元錦解兵去三土司皆安尋遷長蘆鹽運
使以太僕少卿致仕尋卒汝說字昆卿五歲而孤構文成輒
跪薦父木主前萬曆中舉進士官至湖廣提學僉事亦以剛
正聞子式耜別有傳

五開子左時服官

魏薰父木主前萬曆中舉教士官至臨瀛許學僉事衣以綢
對以太對少卿姪出尋卒必指字其懷正越而應對文如雅

明史藁

列傳第六十四

光祿大夫 經筵講官明山總裁戶部尚書加七級臣王鴻緒奉

敕編撰

李文祥

湯 鼐

張 昂

姜 綰方

向

孫

紘

姜

洪

歐陽且

曹 璘夏

鑾

彭

程

李 興

龐

泮

呂 獻

孫 磐

葉 紳

胡

獻

胡 易

張弘至

屈 伸

王獻臣

吳一貫 爓

李文祥字天瑞麻城人祖正芳山西布政使父灝陝西參政
皆進士文祥自幼俊異弱冠舉於鄉成化末登進士內閣萬
安重其才以其孫弘璧與同榜令欵於家屬題畫鳩文祥素

鄙安語含刺安溪銜之未幾孝宗嗣位即上封事畧曰祖宗設內閣六部贊萬幾理庶務職至重也頃者在位多匪人權移內侍賞罰任其喜怒禍福聽其轉移警視言官公行賄賂阿之則交引驟遷忤之則巧讒遠竄朝野寒心道路側目望陛下密察渠魁彰國憲擇謹厚者供使令更博選大臣諮諏治理推心委任不復嫌忌然後體統正而近習不得肆也祖宗定律輕重適宜頂法司專徇已私不恤國典豪強者雖重必寬貧弱者雖輕必罪惡及奸宄養成頽俗兼之風尚奢麗禮制蕩然豪民僭王者之居富室儼公侯之服奇技淫巧上下同流望陛下申明舊章俾法曹務遵律令臣庶各守等威然後禮法明而人心不惑一玩也然國無其人誰與其理致

仕尚書王恕王竑孤忠自許齒力未衰南京主事林俊思南通判王純剛方植躬才品兼茂望陛下起列朝端資其議論必有裨益可翊明時且賢才難得自古為然習俗移人豪杰不免惟茲臣庶不盡庸愚能知自愧即屬名流樂其危菑乃為猥品願陛下明察羣倫罷其罔上營私違天蠹物者餘則勉以自新既開改過之路必多遷善之人臣見登極詔書不許風聞言事古聖王懸鼓設木自求誹謗言之縱非其情聽者亦足為戒何害於國遠欲罪之昔李林甫持此以禍唐王安石持此以禍宋遠近驟聞莫不驚駭願陛下再頒明詔廣求直言庶不墮奸謀足彰聖德大率君子之言決非小人之利諮問倘及必肆中傷如有所疑請試面對疏奏宦官及執

政萬安劉吉尹直等咸惡之數日不下忽召詣左順門以疏
內有中興再造語傳旨詰責文祥從容辨析而出遂謫授陝
西咸寧丞南京主事夏崇文論救不納工部主事莆田林沂
復請召文祥及湯鼐納崇文言且召陳獻章謝鐸等時安已
去吉直激帝怒嚴旨切責之廷臣多薦文祥率為吉直所沮
文祥至官上官有欲門見之者文祥却立曰庭參禮也此非
其所其自守如此弘治二年以王恕薦召為兵部主事監司
以下餽贖皆不納到官未踰月復以吉人事下獄貶貴州興
隆衛經歷都御史鄧廷瓚征苗咨以兵事大奇之欲薦為監
司文祥曰昔以言事出今以軍功進不可固辭不得乃請齋
表入都固乞告歸疏再上不許還經商城渡水陷死焉年僅

三十

湯鼐字用之壽州人成化十一年進士授行人擢御史孝宗
嗣位首劾大學士萬安罔上悞國明日宣至左順門中官森
列令跪鼐曰令鼐跪者旨耶抑太監意耶曰有旨鼐始跪及
宣旨言疏已留中鼐大言臣所論皆國家大事柰何留中若
等壅蔽聖聰是何姓名吾將為天子言之中官多咋舌退已
而安斥鼐亦出畿輔印馬馳疏言陛下視朝之餘宜御便殿
擇侍臣端方謹厚若劉健謝遷程敏政吳寬者日與講學論
道以為出治之本至如內閣尹直尚書李裕都御史劉敷侍
郎黃景奸邪無耻或夤緣中官進用或依附佞幸行私不早
驅斥必累聖明司禮中官李榮蕭敬曩為言官劾罷尋夤緣

復入遂撫言官過貶竄殆盡致士氣委靡宜亟正典刑勿爲姑息諸傳奉得官者請悉編置瘴鄉示天下戒且召致仕尚書王恕王竑都御史彭韶僉事章懋等而還建言得罪諸臣以厲風節報聞弘治元年正月龔又劾禮部尚書周洪謨侍郎倪岳張悅南京兵部尚書馬文升因言少傅劉吉與萬安尹直奸貪等耳直安斥而吉獨進官不以爲耻請大申黜陟明示勸懲又劾李榮蕭敬而薦謫降進士李文祥爲臺諫皆不納尚書王恕以盛暑請輟經筵龔上疏極言不可語侵恕當是時帝更新庶政言路大開新進者爭欲以功名自見封章旁午頗傷激訐龔意氣尤銳其所抨擊間及海內人望以故大臣多畏之而吉尤不能堪使人陷御史魏璋曰君能去

龔行僉院事矣璋欣然日夜伺龔短會壽州知州劉槩遺龔書侑以金幣龔受之璋欲以是爲龔罪適四川飢帝已遣郎中江漢賑而中書舍人吉人言漢不勝任宜精選四使分道賑濟且擇才能御史爲巡按庶荒政有裨因薦給事中宋琮陳璠韓鼎御史曹璘郎中王沂洪鍾員外郎東思誠評事王寅理刑知縣韓福及槩可使而巡按則龔足任之璋遂草疏僞署御史陳景隆等名言人抵抗成命私立朋黨帝怒下人詔獄令自引其黨人以龔璘思誠槩福對璋又嗾御史陳璧等言璘福思誠非其黨其黨則龔槩及主事李文祥庶吉士鄒智知州董傑是也槩常餽龔白金貽之書謂夜夢一人騎牛幾墮龔手挽之得不仆又見龔手執五色石引牛就道因

解之曰人騎牛謂朱乃國姓意者國將傾賴鼐扶之而引君當道也鼐槩等自相標榜詆毀時政請並文祥智傑逮治疏上吉從中主之悉下詔獄欲盡置之死刑部尚書何喬新侍郎彭韶等持之外議亦洶洶不平乃坐槩妖言律斬鼐受賄戍肅州人欺罔削籍智文祥傑皆謫官吏部尚書王恕奏曰槩書詞雖妄不過見鼐數言事不避利害以爲人豪因推詡之耳秦以忠諫爲誹謗深計爲妖言天下至今非之陛下柰何以一槩累平明之治設有如造言秦讖者更何以罪之帝得疏意動命姑繫獄旣而熟審喬新等言槩本不應妖言律且槩五歲而孤無兄弟母孫氏守節三十年曾被旌老病且貧槩死母必不全祈聖恩矜恤乃減槩死戍海州鼐旣戍無援之者至謝遷柄政始釋歸槩濟寧人以進士除壽州知州毀境內淫祠幾盡三年教化大行弘治初上言刑賞予奪人主大柄後世乃有爲女子小人強臣外戚所攘竊者由此輩心險術巧人主稍加親信輒墮計中愛者乘君之喜而游言以揚之惡者乘君之怒而微言以中之使賢人君子卒受曖昧而去卿相缺人則遷延餌引待有交通請屬軟美易制之人然後薦用其剛正不阿者輒媒孽而放棄之俟其氣衰慮易不至大立異同乃更收錄巧計旣行刑賞予奪雖名人主獨操實一出於其所簸弄迨黨立勢成復恐一旦敗露則又極意以排諫諍之士務使其君孤立於上耳無聞目無見以圖便其私不至其身與國俱敗不止故夫刑賞予奪必由大

臣奏請臺諫集議而後可行或有矯誣窮治不輕貸則讒佞莫能間而權不下移矣考績赴都遂遇禍竟卒於戍所傑涇縣人彙之論暑月輟講也傑方以進士謁選亦抗疏爭且詆王恕欺罔言雖過傑亦由是知名授沔陽知州甫數月逮繫詔獄謫四川行都司知事歷遷河南左布政使所在盡職業爲民所懷正德六年江西盜起巡撫王哲兵敗召還擢傑右副都御史代之未幾卒璋旣爲吉心腹果擢大理寺丞坐事下獄王恕黜之爲九江同知慙慙死

張曷字仲明慈谿人都御史楷孫也舉成化八年進士授鉛山知縣性剛明不惑神怪有嫁女者及婿門而失女兩家互訟官不能決曷行邑界見大樹妨稼欲伐之從者言樹有神

不可伐曷不聽率衆往有衣冠三人拜道左曷叱之忽不見比運斤血注曷怒手斧之卒仆其樹巢中墮二婦人言狂風吹至樓上與三少年俱其一卽前所嫁女也有巫能隱形淫人婦女曷執而痛杖之無所苦已並巫失去曷馳縛以歸印巫背鞭之立死乃盡毀諸淫祠寡婦惟一子爲虎噬少年欲難曷代婦書牒請得虎抵罪曷與婦期五日乃齋戒祀城隍廟神約繫虎至及期二虎果伏庭下叱曰食吾民法當死無罪者免一虎起斂尾去一虎伏不動曷射殺之以鼻節婦一縣稱神君鉛山俗婦人夫死輒嫁有病未死先受聘供湯藥者曷欲變其俗令寡婦皆具牒受判署二木曰羞願嫁者跪之曰節願守者跪之民傳四妻祝不欲嫁舅姑給受牒令跪

蓋木下曷判從之祝投後圃池中死邑大旱曷意有冤獄齋宿神祠夢婦人泣拜覺而識其里居姓氏往詰其狀及啟土貌如生曷哭之慟曰殺婦者吾也爲文以祭天遂大雨乃罪其舅姑改葬焉諸異政多此類擢南京御史弘治元年七月偕同官上言頃陛下免喪遣官告孝陵將祭陰雲忽變暴風大作豈皇祖神靈以是啓陛下俾益謹履霜之戒與請畧陳之適臺諫交章論事矣而扈蹕糾儀者不免錦衣捶楚之辱是言路將塞之漸也經筵旣舉矣而封章累進卒不能回寒暑停免之說是聖學將怠之漸也內倖雖斥梁芳而賜祭仍及使辟是復啓寵倖之漸也外戚旣罪萬喜而莊田又賜皇親是驕縱姻婭之漸也左道雖斥而符書尚揭於宮禁番僧

旋復於京師是異端復興之漸也傳奉雖革而千戶復除張質通政不去張苗是傳奉復啓之漸也織造停矣仍聞有蟒衣斗牛之織淫巧其漸作乎寶石廢矣又聞有戚里不時之賜珍玩其漸崇乎詩云靡不有初鮮克有終願陛下以爲戒帝嘉納之先是南京御史黎鼎等以雷震孝陵柏樹與曷劾大學士劉吉等十餘人給事中周紘亦與同官方向等劾吉古銜之其冬曷紘奉命閱軍軍多缺伍兩人欲奏之守備中官蔣琮怒反劾兩人擅威福章下內閣吉脩隙擬黜之外尚書王恕抗章曰天下大政惟賞與罰今不治失位之罪而反罪執法之臣何以服天下帝不聽恕再疏爭言官亦論救乃調曷南京通政司經歷紘南京光祿寺署丞久之曷用薦遷

四川僉事富豪殺人屢以賄免御史檄曷治果得其情尋進副使守備中官某將進術士周慧於朝曷擒慧論徙之極邊歲餘引疾歸環堵蕭然擁經史自娛都御史王璟以賑荒至餽曷百金堅拒不得受下戶饑民粟以答其意知縣丁洪曷令鉛山所取士也旦夕候起居爲具蔬食曷曰吾誠不自給柰何以此煩令君卒弗受炊烟屢絕處之澹如及卒含斂不具洪爲經紀其喪

姜綰字玉卿弋陽人成化十四年進士由景陵知縣擢南京御史弘治初陳治道十事又言午朝宜論大政毋泛陳細故皆報聞南京戶部主事盧錦者與中官陳祖生有隙給事中方向嘗因南京內園火率同官繆樗等劾文武大臣不職因

及祖生無何雷震孝陵栢又劾大學士劉吉等十一人而詆祖生益力祖生銜向切骨會御史余濬言守備中官違制墾後湖田湖爲之淤奏下令錦勘田時向方監後湖黃冊祖生遂訐錦向侵湖田詔下南京三法司勘勘未上守備中官蔣琮又以蘆塲事爲綰所劾疏言琮以守備重臣與小民爭利假公事以飾私情用揭帖而抗詔旨揚言陰中脅以必從其他變亂成法厥罪有十以內臣侵言官職罪一妬害大臣妄論都御史秦紘罪二怒河閘官失迎候欲奏罷之罪三受民詞不由通政罪四分造腹心侵漁國課罪五按季收班匠工銀罪六擅收用罷閒都事罪七官僚忤意輒肆中傷罪八妄奏主事周琦罪欺罔朝廷罪九保舉罷黜內臣竊天子威柄

罪十事亦下南京三法司既復特遣官覆治以奏劉吉方憾南御史嘗劾已與琮黨合謀既削錦籍謫向官復逮綰及其同官孫紘劉遜金章紀傑曹玉譚肅徐禮余濬給事繆樛赴京論鞫皆謫爲州判官其事詳蔣琮傳綰謫判桂陽量移寧國同知遷慶遠知府討斬劇賊韋七旋韋萬妙其黨糾賊數萬攻城綰堅守檄民兵夾擊破走之東蘭諸州蠻悉歸侵地總督劉大夏奇其才薦爲右江兵備副使思恩知府岑濬逐田州知府岑猛綰獻策總督潘蕃請討之與都指揮金堂合諸路兵大破賊思恩平綰條二府形勢請改設流官比中土廷議從之綰遂引疾還俄起河南按察使尋復以疾歸卒於家向字與義桐城人謫雲南多羅驛丞歷官瓊州知府入覲

時僕私市一珠索而投之海樗字全之溧陽人孝宗初陳時政八事因劾大學士尹直等時號敢言終營州判官濬慈谿人孝宗初疏請永除納粟入監令又劾浙江鎮守中官張慶廣東鎮守中官韋眷因薦王恕堪內閣馬文升彭韶張悅阮勤黃孔昭堪吏部後湖之勘自濬啟之濬亦貶平度判官終知府紘字文冕鄆人謫膠州判官遷廣德知州卒官紘少貧傭書市肉以養母既通籍終身不肉食遜安福人謫澧州判官遷武岡知州岷王不檢下遜裁抑之又欲損其歲祿王怒奏於朝徵下詔獄貶四川行都司斷事歷湖廣副使劉瑾徵賄不得坐缺軍儲被逮已而釋之再坐斷獄稽延罰米百石先是榮王乞辰州常德田二千頃山場八百里民舍市廛千

餘間遜與巡撫韓重持勿予至是瑾悉予之部議補遜瓊州副使瑾以其嘗劾中官勒令致仕瑾誅起歷福建按察使章傑等無他表見

姜洪字希範廣德人成化十四年進士除盧氏知縣單騎勸農桑民姜仲禮願代父死罪洪奏免之徵拜御史孝宗卽位陳時政八事其論辨邪正也言太監蕭敬賦性陰險內閣萬安劉吉浮沉取容學士尹直侍郎黃景懷奸寡耻都御史劉敷侍郎劉宣老懦無能吏部尚書李裕依攀李孜省戶部尚書李敏大理丞宋經諸事梁芳刑部尚書杜銘年力已衰進取彌銳皆宜罷還田里或屏遠方爲大臣不忠之戒致仕尚書王恕王竑李秉俱才德高茂志節忠貞去任侍郎謝鐸編

修張元禎檢討陳獻章僉事章懋評事黃仲昭俱學有淵源持論公正御史強珍徐鏞于大節給事王徽蕭顯賀欽員外林俊主事王純俱忠勇敢言直節可取至在位之臣如尚書余子俊馬文升巡撫彭韶侍郎張悅詹事楊守陳或彊力任事或剛介不屈或恬靜有守以及指揮許寧內官懷恩竝拔出曹輩足副任使願陛下已用者勿疑未用者延致庶文武得人政事修舉他所陳禁近習黜異端省進奉數條雖指憲宗末年事未嘗觸帝忌而大旨多斥近倖疏詞幾萬言帝嘉納之爲所斥者憾不置弘治元年出按湖廣與督漕都御史秦紘爭文移被劾所司白洪無罪劉吉欲中之再下禮部會議遂貶夏縣知縣御史歐陽旦請召還洪及暢亨等不納遷

桂林知府猺獞侵擾古田請兵討平之擢雲南參政土官陶洪與八百媳婦約爲亂洪乘間翦滅正德二年遷山西右布政使劉瑾索賀印錢不應矯詔罷歸瑾誅起山東左布政使七年以右副都御史巡撫山西未滿歲卒洪性元直歷官四十載居無垣牆身後喪不能舉天啟初追諡莊介旦安福人成化中進士由休寧知縣擢御史嘗請逐劉吉罷皇莊歷湖廣僉事浙江副使終南京右副都御史亨字文通河津人成化十四年進士由長垣知縣擢御史巡按浙江歲饑奏罷上供綾紗等物考察官吏奏免百五十餘人弘治元年二月景寧縣屏風山異獸萬餘大如羊色白銜尾浮空去亨請罷溫處銀課而宣鎮守中官張慶於法章下所司銀課得減責慶

陳狀慶因許亨考察不公停亨俸三月亨又劾僉事鄒滂滂亦許亨慶等構之逮亨謫涇陽知縣曹璘字廷暉襄陽人成化十四年進士授行人久之遷授御史孝宗嗣位疏言梓宮發引陛下宜衰絰杖履送至大明門外拜哭而別率官中行三年喪貴妃萬氏有罪宜告於先帝削其諡遷葬他所帝納其奏而戒勿言貴妃事頃之請用王恕爲內閣擢李文祥召南京大寮何喬新黎淳黃孔昭於朝置陳獻章張元禎林俊於左右復先朝言事謫官于大節徐鏞何珌王純張吉蘓章趙明丁璣等官放遣宮中怨女罷撤監督京營及鎮守四方太監又言梁芳以指揮袁輅獻地建寺請令襲廣平侯爵以數畝地得侯勛臣誰不解體宜亟爲

革罷疏奏帝頗采焉弘治元年七月上言近日星隕地震金木二星晝見雷擊禁門皇陵雨雹南京內園災狂夫叫閤景寧白氣飛騰而陛下不深求致咎之由以盡弭災之實經筵雖御徒爲具文方舉輒休暫行遽罷一年之中彊半不學日所接者宦官官妾而已所謂一日暴之十日寒之者也願日御講殿與儒臣論議罷大學士劉吉徐溥尚書周洪謨侍郎李嗣何瑋呂雯謝宇以消天變臣昨冬曾請陛下舉衰視政今每遣節序輒漸御黃衣從官朱緋三年之間爲日有幾宜但御淺服且陛下方諒闇少監郭鏞乃請選妃嬪雖拒勿納鏞猶任用何以解臣民疑祖宗嚴自宮之禁今此曹干進紛紜當論罪朝廷特設書堂令翰林官教習內使本非高皇帝

制詞臣多夤緣以干進而內官亦且假儒術以文奸宜速罷之諸邊有警輒命京軍北征此輩驕惰久不足用乞自今勿遣而以出師之費賞邊軍帝得疏不喜降旨譙讓已出按廣東訪陳獻章於新會服其言論遂引疾歸居山中讀書三十年不入城市時又有進士夏鏃都御史墳子也弘治四年謁選入都上章請復主事李文祥庶吉士鄒智中書舍人吉人御史湯鼐任儀姜綰劉遜繆樛給事中方向等官罷輔臣劉吉位忤旨下詔獄既釋歸久之始赴選除南京大理評事疏論賦斂徭役馬政鹽課及宗藩戚里侵漁之狀帝不省鏃素無宦情父墳初撫四川年未五十鏃獻詩勸歸墳亦欣然納焉至是服官僅歲餘念母老乞歸侍養家居三十餘年竟不

復起

彭程字萬里鄱陽人成化末進士弘治初授御史巡視京城降人雜處畿甸多爲盜事發則投戚里奄豎爲窟穴程每先機制之有發輒得巡鹽兩浙代還巡視光祿五年上疏言臣適見光祿造皇壇器皇壇者先帝修齋行法之所陛下卽位此類廢斥盡何復有皇壇煩製器光祿金錢悉民膏血用得其當猶恐病民况投之無用地頃李孜省繼曉輩倡邪說而先帝篤信之者意在遠希福壽也今二人已伏重辟則禍患之來二人尚不能自免豈能福壽他人倘陛下果有此舉宜遏之將萌如無請治所司逢迎罪時帝無皇壇造器之命特光祿姑爲備帝得程奏大怒以爲暴揚先帝過失立下錦衣

獄給事中叢蘭亦巡視光祿繼上疏論之帝宥蘭奪光祿卿胡恭等俸付程刑部定罪尚書彭韶等擬贖杖還職帝欲置之死命繫之韶等復疏救程子尚三上章乞代父死終不聽是時御史李興亦坐罪繫獄李興者嵩縣人官御史出按陝西劾寧夏巡撫韓文失事文計興酷刑殺人帝怒逮治而興事故有驗所刑殺者凡十有三人帝仁厚益怒刑部當興贖杖爲民帝不許命俟朝審以聞及期韶等錄上興及程罪狀詔興斬程竝家屬戍隆慶文武大臣英國公張懋等合疏言興爲巡按能舉憲條戒貪吏其所斃多犯罪不宜當以死程用諫爲職坐此戍邊則作奸枉法者何以罪之尚書王恕又特疏救乃減興死杖之百借妻子戍賓州程竟無所減程母

李氏年老無他子叩闕乞留侍養南京給事中毛珵等亦奏曰昔劉禹錫附王叔文當竄遠方裴度以其母老爲請得改連州陛下聖德非唐中主可比而程罪亦異禹錫祈少矜憐全其母子不許子尚隨父戍所遂舉廣西鄉試明年帝念程母老放還其後劉瑾亂政追論程巡鹽時稍虧額課勒其家償程死久矣止遺一孫女罄產不足則竝女鬻之行道皆爲流涕

龐泮字原化天台人成化二十年進士授工科給事中弘治初御史暢亨劾中官張慶反爲誣訐泮疏直之中旨取善擊銅鼓者泮疏諫屢遷刑科都給事中副使楊茂元被逮泮率同列救之茂元得薄譴九年四月帝以岷王劾武岡知州劉

遜命逮之泮率同官呂獻等言錦衣天子親軍非不軌及妖言重情不可輕遣遜所坐微而王奏牽左證百人勢難盡逮宜勅撫按官體勘疏入忤旨下泮等四十二人及御史劉紳等二十人詔獄六科署空吏部尚書屠瀟請令中書代收部院封事詹事楊守陞貽書責瀟不疏救會御史張淳方奉使還耻獨不與抗疏論之考功郎中儲懔亦諫瀟等復率九卿救之帝乃釋泮等皆停俸三月中官何鼎以直言下獄楊鵬戴禮夤緣入司禮監泮等言鼎狂直宜容鵬等得罪先朝俾參機密害非小會御史黃山張泰等亦以爲言帝怒詰外臣何由知內廷事令對狀停泮等俸半歲威寧伯王越謀起用中官蔣琮李廣有罪外戚周或張鶴齡縱家奴殺人泮皆極

論直聲甚著十一年擢福建右參政中官奪宋儒黃幹宅爲僧菴泮改爲書院以祀幹遷河南右布政使致仕獻浙江新昌人成化二十年進士授刑科給事中坐事杖闕廷弘治時詔選駙馬李廣受富人金陰爲地爲獻所發有直聲正德中終南京兵部右侍郎

孫磐遼陽人弘治九年進士時有徐珪者應城人弘治中爲刑部典史先是千戶吳能以女滿倉兒付媒者鬻於樂婦張給曰周皇親家也後轉樂工袁璘能歿妻聶訪得之女怨母鬻已詭言非已母聶與子劫女歸璘往贖不從訟於刑部郎中丁哲員外郎王曾訊得情璘語不遜哲笞璘數日死御史

陳玉主事孔琦驗璘屍瘞之東廠中官楊鵬從子嘗與女淫教璘妻訴冤於鵬而令張安指女爲妹又令賈校尉屬女亦如張言媒者遂言聶女前鬻周皇親矣奏下鎮撫司坐哲爵等罪復下法司錦衣衛讞索女皇親周或家無有復命府部大臣及給事御史廷訊張與女始吐實都察院奏哲因公杖人死罪當徒爵玉琦及聶母女當杖獄上珪憤懣抗疏曰聶女之獄哲斷之審矣鵬拷聶使誣伏鎮撫司共相蔽欺陛下令法司錦衣會問懼東廠莫敢明至鞫之朝堂乃不能隱夫女誣母僅擬杖哲等無罪反加以徒輕重倒置如此皆東廠威劫所致也臣在刑部三年每見鞫問盜賊多東廠鎮撫司緝獲有稱校尉誣陷者有稱校尉爲人報讐者有稱校尉受

首惡賊而以爲從令傍人抵罪者刑官洞見其情無敢擅更一字上于天和災異迭見臣願陛下革去東廠戮鵬叔姪竝賈校尉及此女於市謫戍鎮撫司官極邊進哲爵琦玉各一階以洗其冤則天意可回太平可致如不罷東廠亦當推選謹厚中官如陳寬韋泰者居之仍簡一大臣與其理鎮撫司理刑亦不宜專用錦衣官乞推選在京各衛一二人及刑部主事一人共蒞其事或三年六年一更則巡捕官校當無有作奸擅刑誣及無辜者矣臣一介微軀左右前後皆東廠鎮撫司之人禍必不免願與其死於此輩孰若死於陛下之手願斬臣頭以行臣言給臣妻子送骸骨歸臣雖死無恨帝怒下都察院考訊都御史閔珪等抵以奏事不實贖徒還役帝

責其狀皆上疏引罪奪俸有差珪贖徒畢發爲民旣而給事中龐泮等言哲等獄詞覆奏已餘三月繫獄者凡三十八人乞早爲省釋且鞫是獄者陛下乃於一樂婦之賤敢爲欺蔽而不以實聞乎乃杖滿倉兒送浣衣局哲給璘埋葬費發爲民爵及琦玉俱贖杖還職時弘治九年十二月也十一年刑部主事陳鳳梧薦珪授桐鄉丞正德中歷贛州通判招降盜魁何積玉已復叛下珪獄尋釋之後以平盜功擢知州乞歸卒當珪之劾鵬得罪也磐觀政在部上疏曰近諫官以言爲諱而排寵倖觸權奸者乃在胥吏臣竊羞之請定建言者爲四等最上不避患害抗彈權貴者其次揚清激濁能補闕拾遺又其次建白時政有裨軍國皆分別擢敘而粉飾文具循

默不言者則罷黜之庶言官知警不至曠瘵時不見用磐尋擢吏部主事正德元年宦官漸用事磐復上疏曰今日弊政莫甚於內臣典兵夫臣以內稱外事皆不當預矧可使握兵柄哉前代盛時未嘗有此唐宋季世始置監軍而其國遂以不永今九邊鎮守分守監槍諸內臣恃勢專恣侵剋百端有警則擁精卒自衛克敵則縱部下攘功武弁藉以夤緣憲司莫敢訐問所携家人頭目率惡少無賴吞噬爭攫勢同狼虎致三軍喪氣百職灰心乞盡撤還京專以邊務責將帥此今日修攘要務也不從及劉瑾得志斥磐為奸黨勒之歸瑾誅起河南僉事坐累罷

葉紳字廷縉吳江人成化末進士除戶科給事中改吏科歷

禮科左給事中弘治十年太子年十七猶未出閣紳請擇講官諭教尋以修省陳八事言經筵稀御日講久停畫工琴士承恩便殿教坊雜劇呈技御前此聖學所以少怠也視朝過晏聽斷漸稽鰲山至達旦以觀曲宴或竟日始罷此聖政所以少倦也中官李廣以千戶王英選用乳保為乞指揮以僕隸周玉李恕奔走微勞為求官秩名器猥濫至此而極行伍空於逃亡強壯困於私役萬春諸宮及公私邸第興建不已致兵力凋敝威武不揚民間墾田為奸人投獻利歸私家怨積君父皆宜嚴禁痛絕使聖政一新又劾尚書徐瓊童軒侯瓚侍郎鄭紀王宗彝巡撫都御史劉瓛張誥張岫等二十人乞賜罷斥而未言去大奸則專劾李廣八大罪謹陛下以燒

鍊而進不經之藥罪一爲太子立寄壇而興煖疏之說罪二撥置皇親希求恩寵罪三盜引玉泉經繞私第罪四首開侍門大肆奸貪罪五太常崔志端真人王應禱輩稱廣爲教主真人廣卽代求善官乞賜玉帶罪六假果戶爲名侵奪畿民土地幾至激變罪七四方輸納上貢威取勢逼致民破產罪八內而皇親駙馬事之如父外而總兵鎮守稱之爲公陛下奈何養此大奸於肘腋而不思驅斥哉御史張縉等亦以爲言帝曰姑置之逾數月廣竟得罪飲醜死紳又極陳大臣恩蔭葬祭之濫下所司議頗有減損擢尚寶少卿卒

初獻字時臣揚州興化人弘治九年進士改庶吉士授御史踰月卽極論時政數事言屠瀟爲吏部尚書王越李蕙爲都

御史皆交通中官李廣得之廣得售奸由陛下議政不任大臣而任廣輩也祖宗時恒御內閣商決章奏經筵日講悉陳時政得失又不時接見儒臣今幸閣之禮自成化朝久廢經筵祇故事而日講又復寢罷願陛下追舉舊制復日講擇講官凡政事闕違皆許陳說庶啟沃爲不虛也京通二倉總督監督內臣每收米萬石勒白金十兩以歲運四百萬石計之人四千兩又各占斗級二三百人使納月錢夫監督倉儲自有戶部焉用中官願賜罷遣京操軍士自數千里至而總兵坐營等官各使分屬辦納月錢乞嚴革以蘇其困陛下遇災修省去春求言諫官及郎中王雲鳳主事胡燿皆有論奏留中不報雲鳳尋得罪如此則與不修省何異願斷自聖心凡

利弊當興革者卽見施行東廠校尉本以緝奸邇者但爲內戚中官泄憤報怨如御史武備忤壽寧侯張鶴齡及太監楊鵬主事毛廣忤太監韋泰皆爲校尉所發推求細事誣以罪名舉朝皆知其枉無敢言者臣亦知今日言之異日必爲所陷然臣弗懼也雲鳳燿皆劾中貴李廣者故獻及之疏入鶴齡與泰各疏辨會吏科給事中胡易劾監庫中官賀彬貪黷八罪彬亦疏辨訐易帝遂下獻易詔獄謫獻藍山丞久之釋易獻未赴官遷宜陽知縣馬文升數薦於朝遷南京都察院經歷武宗卽位擢廣西提學僉事遷福建提學副使未任卒易寧都人起家進士華昶劾程敏政法司白昂閔珪據舊制令六科共鞫時易已遷戶科左給事中署科事偕同官魏珏

林廷玉等往昶詞少屈廷玉從旁助之東廠劾易等皆昶同僚不當與訊得旨下詔獄昂珪請罪皆停俸比昶獄成易等猶被繫文武大臣以爲言始令復職而調廷玉外任燿字仲光蕪湖人弘治六年進士改庶吉士授戶部主事十年三月災異求言燿應詔疏言中官李廣楊鵬引左道劉良輔輩惑亂聖聰濫設齋醮耗蠹國儲而不肖士大夫方昏暮乞憐於其門交通請託陰盛陽微災何由弭因極陳戚畹方士傳奉冗員之害疏留中未幾廣死故燿得無罪當成化時宦官用事帝嗣位雖間有罷黜而勢積重不能驟返凡忤之者必結黨排陷不勝不止前後被構者甚衆自獻易及武備毛廣外如周時從爲戶部員外郎弘治元年疏請寘先朝遺奸汪直

錢能蔡用輩於重典而察核兩京及四方鎮守中官諸宦官摘其奏中宗社字不越格命法司逮治已而釋之閩中任儀爲御史三年秋詔修齋於大興隆寺理刑知縣王嶽騎過之中使粹辱嶽使跪於寺前儀不平劾中使罪姓名偶誤乃竝儀下吏出爲中部知縣永清王雄爲行人十三年秋大同有警命保國公朱暉禦之雄極言暉不足任且請罷中官監督以重將權苗達方督暉軍謂雄阻軍乃下詔獄謫雲南浪穹丞山西永寧車梁爲御史十五年條列時政中言東廠錦衣衛所獲盜先嚴刑具成案然後送法司法司不敢平反請自今徑送法司毋先刑訊章下未報王東廠者言梁從父郎中寔先以罪爲東廠所發挾私妄言遂下梁詔獄給事御史論

救乃得釋衢沂水人謫雲南通海王簿終汾州知州廣無考儀終山西參政梁終漢陽知府

張弘至字時行華亭人南安知府弼子也舉弘治九年進士改庶吉士授兵科給事中十二年冬陳初政漸不克終八事初汰傳奉官殆盡近匠官張廣寧等一傳至百二十餘人少卿李綸指揮張玘等再傳至百八十餘人異初政者一初追戮繼曉逐番僧佛子近齋醮不息異初政者二初去萬安李裕輩朝彈夕斥近被劾數十疏如尚書徐瓊者猶居位異初政者三初聖諭有大政召大臣面議近上下否隔異初政者四初撤增設內官近已還者復去已革者復增異初政者五初慎重詔旨左右不敢妄干近陳情乞恩率俞允異初政者

六初令兵部申舊章有妄乞陞武職者奏治近乞陞無違拒異初政者七初節光祿供億近冗食日繁移太倉銀賒而屢物異初政者八帝下所司邊將王杲馬昇秦恭陳瑛失機論死久繫弘至請遠正典刑親王之藩者所次舍率營蕭殿竝從官幕次俱飾絨毯綿帛因弘至言多減損孝宗晚年從廷臣請遣官覈騰驤四衛虛冒弊以太監甯瑾言而止弘至抗章爭會兵部亦以爲言乃卒覈之武宗立以戶科右給事中奉使安南還遷都給事中母憂歸卒

屈伸字引之任丘人成化末進士選庶吉士授禮科給事中弘治九年詔度僧禮部爭不得伸極陳三不可不納京師民訛言寇近邊兵部請榜諭伸言若榜示人心愈驚昔漢建始

中都人訛言大水至議令吏民上城避之王商不從頃之果定今當以爲法事遂寢十三年言陛下遊宴頗頻致精神怠而政務弛願時御便殿博諏政理帝嘉納焉寇犯大同游擊王杲匿敗績狀伸率同官發之竝劾罪總兵官王璽等屢遷兵科都給事中泰寧衛部長大掠遼陽部議令守臣遺書稱朝廷寬大不究已往若還所掠則予重賞伸等言在我示怯弱之形在彼無劓艾之意非王者威攘之道前日犯邊不以爲罪今日歸俘反以爲功誨以爲盜之利啓無賴心又非王者懷柔之道帝悟書不果遣已劾鎮守中官孫振總兵官蔣驥巡撫陳瑤僨事罪帝不問廣寧復失事瑤等以捷聞伸及御史耿明等交章劾其欺罔乃按治之太監苗達成國公朱

暉等搗巢獲三級及寇大入固原不敢救旣而斬獲十二級先後以捷聞伸等數劾之及班師又極論曰暉等西討無功班師命甫下將士已入國門不知奉何詔書且此一役也糜京帑及邊儲共一百六十餘萬兩而首功止三級是以五十萬金易一無名之首也乃所上有功將士至萬餘人假使馘一渠魁如火節或斬級至千百將竭天下財不足供費而報功者當不知幾萬萬也暉達及都御史史琳監軍御史王用宜悉寘重典帝不聽雲南有鎮守中官復遣監丞孫敘鎮金騰伸等極言不可錦衣指揮孫鑾坐罪閒任中旨復之令掌南鎮撫事伸等力爭乃命止帶俸中旨令指揮胡震分守天津伸力爭不聽鎮守河南中官劉瑯乞乞隸帝命予五十人故事尚書僅十二人伸等力爭詔止減二十人自後中官咸援例陳乞祖制遂壞伸居諫垣久持議侃侃不撓未及遷而卒

王獻臣字敬止其先吳人隸籍錦衣衛弘治六年舉進士授行人擢御史巡大同邊還言自威遠失利士無戰心今復令修築邊垣豈勝畚鍤勞宜量修要害悉罷其餘且亟正諸將姚信陳廣閉營避寇及馬昇王杲秦恭喪師罪悉蠲大同延綏早傷遁賦以寬軍民帝多從之嘗令部卒導從遊山爲東廠緝事者所發竝言其擅委軍政官徵下詔獄罪當輸贖特命杖三十謫上杭丞十七年復以張天祥事被逮天祥者遼東都指揮僉事斌孫也斌以罪廢天祥入粟得祖官有泰寧

衛部十餘騎射傷海西貢使斌使天祥出毛喇關掩殺他衛三十八人以歸指爲射貢使者巡撫張籛等奏捷獻臣疑之方移牒駁勘斌婦弟指揮張茂及子欽與天祥有郤詐爲前屯衛文書呈獻臣具言劫營事獻臣卽以聞未報會獻臣被徵帝命大理丞吳一貫錦衣指揮楊玉會新按臣余濂勘之盡得其實斌等皆論死天祥斃於獄天祥叔父洪屢訟冤帝密令東廠廉其事還奏所勘皆誣帝信之欲盡反前獄召內閣劉健等出東廠揭帖示之命盡逮一貫等會訊闕下健等言東廠揭帖不可行於外旣退復爭之帝再召見責健等健對曰獄經法司讞皆公卿士大夫言足信帝曰法司斷獄不當身且不保言可信乎謝遷曰事當從衆若一二人言安可

信健等又言衆証遠不可悉逮帝曰此大獄逮千人何恤苟功罪不明邊臣孰肯効力者健等再四爭執見帝聲色厲終不敢淡言東廠非越二日復召對卒傳旨逮一貫等旣至帝親御午門鞠之斌曰勘官不當以匿名書定罪帝遽曰匿名書見卽焚毀此定律也安得施行色怒甚一貫等皆股慄帝反復詰之衆莫敢辨帝欲抵一貫死閔珪戴珊力救乃謫嵩明州同知獻臣廣東驛丞濂雲南布政司照磨茂父子論死而斌免洪反得論功武宗立獻臣遷永嘉知縣一貫字道夫海陽人成化中進士由高知縣擢御史弘治中歷按浙江福建南畿以彊幹聞擢大理右寺丞畿輔河南饑請發粟二十萬石以賑又別請二萬石給京邑及昌平民旣謫官正德

初遷江西副使討華林賊有功進按察使行軍至奉新卒士
民立忠節祠祀焉濂字宗周都昌人弘治六年進士授行人
擢御史多所糾劾武宗時終雲南副使孝宗勵精圖治委任
大臣中官勢稍細矣而張天祥及滿倉兒事皆發自東廠廷
議猶為所撓云

一泉莫如

一泉莫如

一泉莫如

一泉莫如

一泉莫如

一泉莫如

列傳第六十

明史藁

列傳第六十五

光祿大夫 經筵講官明史總裁戶部尚書加七級臣王鴻緒奉

敕編撰

韓文顧佐王璟 張敷華

楊守隨弟守鵬許進子讚許誥 雍泰張津

陳壽 樊瑩 熊繡

潘蕃胡富張泰 吳文度

張鼐昌政朱欽

韓文字貫道洪洞人宋宰相琦後也生時父夢紫衣人抱送
文彥博至其家故名之曰文成化初舉進士除工科給事中
覈葦州軍功劾寧晉伯劉聚都御史王越馬文升等濫殺安

報尋劾越薦李秉王竝語頗涉兩宮帝怒撻之文華殿庭已進右給事中出爲湖廣右參議中貴督太和山乾沒公費文力遏之以其羨易粟萬石備賑貸九谿土酋與鄰境爭地相攻文往諭皆服閏七年轉左弘治改元王恕以文久淹用爲山東左參政居二年用倪岳薦擢雲南左布政使以右副都御史巡撫湖廣移撫河南召爲戶部右侍郎母喪除起改吏部進左十六年拜南京兵部尚書歲侵米價翔踴文請預發軍餉三月戶部難之文曰救荒如救焚有罪吾自當之乃發廩十六萬石米價爲平召拜戶部尚書文凝厚雍粹居常抑抑至臨大事剛斷無所撓武宗卽位賞賚及山陵大婚諸費需銀百八十萬兩有奇部帑不給文請先發承運庫詔不許

文言帑藏虛賞賚自京邊軍士外請分別給銀鈔稍益以內庫及內府錢并暫借勦戚賜莊田稅而救承運庫內官核所積金銀著之籍且盡罷諸不急費帝不欲發內帑命文以漸經畫文持大體務爲國惜財真人陳應禎大國師那卜堅參等落職文請沒其貲實國帑舊制監局倉庫內官不過二三人後漸添注或一倉十餘人上林苑林衡署至三十二人文力請裁汰淳安公主賜田三百頃復欲奪任丘民業文力爭乃止孝宗時外戚慶雲壽寧侯家人及商人譚景清等奏請買補殘鹽至百八十萬引及孝宗欲更新庶政文條鹽政夙弊七事論殘鹽尤切孝宗嘉納未及行而崩卽入武宗登極詔中罷之侯家復奏乞下部更議文等再三執奏弗從竟如

侯請正德元年內閣及言官復論之詔下廷議文言鹽法之設專以備邊今山陝饑寇方大入度支匱絀飛輓甚難奈何壞祖宗法忽邊防之重疏上閣臣劉健等力持之景清復陳乞如故於是文等劾其桀悍請執付法官帝不得已始寢前命榮王乞霸州莊田崇王請自徵莊田租勿令有司與文皆持却之保定巡撫王景請革皇莊文覆如其議帝不許文請召民佃畝徵銀三分輸內庫而盡撤中官管莊者乃命留中官各一人校尉十人餘如文議中旨索寶石西珠文請屏絕奇珍以養儉德報可帝將大婚取戶部銀四十萬兩文疏請得免四之一文司國計二年力遏權倖權倖深疾之而是時青宮舊奄馬永成等八人號八虎日導帝狗馬鷹兔歌舞角

觥不親萬幾文每退朝對僚屬言及輒泣下郎中李夢陽進曰公大臣義共國休戚徒泣何為諫官疏劾諸奄執政持甚力公誠及此時率大臣固爭去八虎易易耳文捋鬚昂肩毅然改容曰善縱事勿濟吾年足死不足報國遂令夢陽草疏疏具文讀而刪之遂偕諸大臣伏闕上言人主辨奸為明人臣犯顏為忠況羣小作朋逼近君側安危治亂胥此焉關臣等備員股肱當主少國疑之日仰察天象俯揆物議瞻前思後憂心如焚至長涕泣不能自已伏覩近歲朝政日非號令失當自入秋來視朝漸晚仰窺聖容日漸清削皆言太監馬永成谷大用張永羅祥魏彬丘聚劉瑾高鳳等造作巧偽淫蕩上心擊毬走馬放鷹逐犬俳優雜劇錯陳於前至

導萬乘與外人交易狎暱媾交喪無復禮體日遊不足夜以繼之勞耗精神虧損志德遂使天道失序地氣靡寧雷異星變桃李秋華考厥占候咸非吉徵此輩細人惟知蠱惑君上以便已私而不思赫赫天命皇皇帝業在陛下一身今大婚雖畢儲嗣未建萬一遊宴損神起居失節雖齏粉若輩何補於事高皇帝艱難百戰取有四海列聖繼承以致陛下先帝臨崩顧命之語陛下所聞也奈何姑息羣小置之左右以累聖德竊觀前古奄宦誤國爲禍尤烈漢十常侍唐甘露之變其明驗也今永成等罪惡旣著若縱不治將來益無忌憚必患在社稷伏望陛下奮乾剛剖私愛上告兩宮下諭百僚明正典刑以回天地之變泄神人之憤潛削禍亂之階永保靈長

之業疏入帝驚泣不食瑾等大懼時內閣劉健等方持言官章不肯下文疏復入帝遣司禮中官八人詣閣議一日三至健等持益堅王岳者八人中一人也獨曰閣議是明日召諸大臣入諸大臣或咎文文不應令侍郎王鏊詣闕探動靜健語鏊曰事且成十七八諸公第持之至左順門李榮手諸大臣疏曰有旨問諸先生等問先生言良是第奴儕事上久不忍卽置理幸少寬之上自處耳衆相顧莫敢言榮謂文曰此舉出自公公云何文曰今海內民窮盜起水旱頻仍天變日增文等備員卿佐靡所匡救上始踐阼輒輕萬幾遊宴無度狎暱羣小何忍無言鏊曰八人不去亂本不除天下何由治榮曰疏備矣上非不知第欲少寬之耳鏊直前曰設上不處奈

何榮曰榮頸有鐵裹即敢壞國事是日瑾等益窘求南京安
置閣議猶不肯下夜瑾等環哭帝前頭觸地曰微上恩奴儕
磔餒狗矣帝色動瑾又進曰害奴儕者王岳也帝怒夜收岳
立詔瑾入司禮承成等分據要地而大權悉歸瑾矣瑾恨文
甚日令人伺文過踰月有以偽銀輸內庫者遂以爲文罪詔
降一級致仕謫郎中陳仁爲鈞州同知給事中徐昂救文中
旨責其黨護落文職以顧佐代并除昂名等指文爲奸黨榜
朝堂其子高唐知州士聰刑部主事士奇皆削籍文出都門
乘一籃輿行李一車而已瑾恨猶未已坐以遺失部籍逮文
及侍郎張縉下詔獄數月始釋罰米千石輸大同尋復羅織
他事罰米者再家業蕩然瑾誅復官致仕世宗卽位遣行人

齋壘書存問賚羊酒復令有司月給廩四石歲給役夫六八
終其身嘉靖五年年八十有六卒贈太傅諡忠定士聰舉人
罷官後不復仕士奇進士終湖廣參政少子士賢亦由舉人
爲開封同知孫廷瑋進士行太僕卿顧佐字良弼臨淮人成
化五年進士授刑部主事歷郎中按錦衣指揮牛循中官顧
雄鍾欽罪無所撓出爲河間知府弘治中再遷大理少卿擢
右僉都御史巡撫山西宗室第宅官爲繕費不貲佐請悉令
自營治正統末權發太原平陽民戍邊後遂久不代佐奏令
代遷入爲左副都御史勘罷遼東總兵官李杲太監任良巡
撫張玉歷戶部左右侍郎出理陝西軍食善區畫儲蓄餘三
年正德改元代韓文爲尚書劉瑾憾文摺撫萬端部有故册

逸欲以爲文罪逼佐上其事佐不可詔奪俸三月佐乃再疏乞歸瑾憾之三罰米輸塞上至千餘石家貧稱貸以償卒贈太子太保王璟字廷采沂人成化八年進士爲登封知縣歷兩京御史弘治十四年以南京鴻臚卿拜右僉都御史理兩浙鹽政賑荒浙江奏行荒政十事多所全活十七年冬巡撫保定武宗立太監夏綬乞於真定諸府歲加葺場稅少監傅琢請履畝覈靖海永清隆平諸縣田太監張峻欲稅寧晉小河往來客貨詔皆許之又以莊田故遣緹騎逮民魯堂等二百餘人畿南騷動璟抗疏切諫尚書文等力持之管莊內臣稍得召還已引疾致仕命馳傳歸坐累奪官閒住正德六年起撫山西製火槍萬餘槍藏箭六皆傳毒藥用以禦寇寇不

敢西累遷右都御史已遷左以張綸爲右都御史代之後陳金以太子太保左都御史入院位璟上人號璟中都御史焉時羣小用事大臣靡然附之璟獨守故操再進太子太保世宗立致仕卒贈少保謚恭靖初璟自保定巡撫歸其後兵科給事中高滂勘滄州營山牧地劾五十三人及璟與前巡撫高銓銓卽滂父也劉瑾以當塗者衆令去職者勿問璟銓竝獲免銓江都人登進士累官南京戶部尚書正德二年廷推左都御史瑾勒令致仕尋坐事逮下獄復坐隆平侯家襲爵事除名罰米五百石後瑾益事操切每遣使勘核多務苛急承瑾意滂遂并銓在劾中滂後官至光祿少卿以劾父不齒於人瑾誅銓復官致仕卒贈太子少保陳仁字子居莆田人

成化末進士弘治中官戶部郎中闕里先聖廟災疏請修省
陝西進古壘仁抗疏斥其僞詔名番僧領占竹於四川仁疏
諫又請復建文忠臣方孝孺等官多格不行正德初瑾以贗
銀事坐尚書文罪仁竝謫後遷南京兵部員外郎瑾誅累擢
至浙江右布政使

張敷華字公實安福人父洪御史死土木難敷華少負氣節
年七歲里社樹爲祟麾羣兒盡伐之景泰初錄死事後入國
學舉天順八年進士選庶吉士成化初館試授職與劉大夏
願就部曹乃除兵部主事歷郎中廉重不撓名等於大夏遷
浙江參議景寧礦盜起至數千人敷華馳散之執其魁十二
人居浙十餘年歷右參政右布政使弘治初遷湖廣歲饑令

府縣大修學宮以備直資餓者擢右副都御史巡撫山西中
道奔喪服闋還故官部內賦輸大同困於折價敷華請太原
以北利轉運者仍輸米民便之改撫陝西製婚娶喪葬之式
納民於禮妖僧據終南山廷議用兵尚書馬文升曰張都御
史能辦此敷華果以計縛僧歸遷南京兵部右侍郎十二年
改右都御史總督漕運兼巡撫淮揚諸府高郵湖堤圯浚深
溝以殺水勢又築寶應堤民利賴焉改掌南京都察院與吏
部尚書林瀚僉都御史林俊祭酒章懋稱南都四君子就遷
刑部尚書正德元年召爲左都御史其冬大臣與言官請去
劉瑾等內閣力主之帝猶豫敷華乃上言陛下宴樂逸遊日
狎儉士政令與詔旨相背行事與成憲交乖致天變上千人

心下拂今給事中劉蒞御史朱廷聲徐鈺等連章論列但付所司英國公懋與臣等列名上請但云朕自處置臣竊歎惑請略言時政之弊如四十萬庫藏已竭而取用不已六七歲童子何知而招爲勇士織造已停傳奉已革等復如故鹽法莊田方遣官清覈而奏乞之疏隨聞中官監督京營鎮守四方者一時更有更易政令紛拏弊端滋蔓夫國家大事百入爭之不足數人壞之有餘願陛下審察疏入不報旣而朝事大變宦官勢益張至除夕朝罷忽傳旨與楊守隨俱致仕數華卽日就道至徐州洪坐小艇觸石幾溺死瑾恨未已欲借湖廣倉儲浥爛坐以賊罪修撰康海過瑾曰吾秦人愛張公如父母公忍相薄耶瑾意乃解猶坐敷華與守隨等五十二人爲奸黨楊之朝堂家居一年病且革衣冠揖家廟就榻而卒瑾誅後二年贈太子少保諡簡肅敷華性剛介弘治時劉大夏嘗薦之帝曰敷華誠佳但爲人太峻耳爲部郎奉使盜探其囊得七金而已孫鰲山御史

楊守隨字維貞鄞人侍郎守隨從弟也舉成化二年進士授御史巡視漕運覈大同軍餉巡按江西所至以風采見憚疏陳六事言廊王受命艱危時削平禍亂功甚大歿乃諡以戾人心不平此非先帝意權奸逞私憾者爲之也亟宜改易彰陛下親親之仁尚書李秉一時良臣爲蕭彥莊所逐乞卽召還律令犯公罪者不罷近御史朱賢婁芳等竝除名乞復其官且戒所司毋法外加罪西征之役以數萬甲兵討出沒不

常之寇千里轉輸曠日持久恐外患未平內地先敝乞速班
師戒邊臣慎封守近例軍官犯罪未結正者遇赦即原致此
曹遷延以希倖免自今眾証明白者即據律定案毋使逃罪
在外官俸兵餉有踰年不給者由郡縣蓄積少也請於起運
外量加存留以濟乏匱疏奏時不能從太常少卿孫廣安母
喪起復守隨與給事中李和等連章論之乃令守制八年冬
以災異陳時政九事廷議四方災傷停造刷卷御史會昌侯
孫繼宗請并停在京者守隨言繼宗等任情作奸多無案牘
恐罪及假此祈免帝置繼宗不問而刷卷如故山東饑廷議
吏納銀免考授冠帶守隨極言不可帝即罷之擢應天府丞
未上母憂歸服除補官初李汝省授太常寺丞因守隨言改

益副憾之至是譖於帝中旨責守隨不當添注貶南寧

府弘治初召為應天府尹勘南京守備中官蔣琮罪琮嗾
其黨郭鏞劾守隨按給事方向獄不公責遷廣西右參政久
之進按察使八年召為南京右僉都御史提督操江歷兩京
大理卿九載滿進工部尚書仍掌大理寺刑部獄送寺覆讞
者加刑主事朱塗論其非守隨言自永樂間寺已設刑具
部囚多未得實安得不更訊帝乃寢塗奏孝宗崩中官張瑜
等以誤用御藥下獄守隨會訊杖之中官李興擅伐陵木論
死令家人以銀四十萬兩求變其獄守隨持之堅獄不得解
廷臣之爭餘鹽也中旨詰是何大事守隨語韓文曰事誠有
大於是者文遂偕九卿伏闕論八黨文等既逐守隨憤獨上

章極論之曰左右近臣不能祇承德意盡取先朝良法而更張之盡誣先朝碩輔而刻汰之天下嗷嗷莫措手足致古今罕見之災交集數月以內陛下獨不思其故乎內臣劉瑾等八人奸險佞巧人目爲八虎而瑾尤甚日以荒縱導陛下或在西海擊鷹搏兔或於南城躡峻登高禁內鼓鉦震於遠邇宮中火砲不間宵晨淆雜尊卑陵夷貴賤引車騎而供執鞭之役列市肆而親商賈之爲致陛下日高未朝漏盡不寢此數人者方且竊攬威權詐傳詔旨放逐大臣刑誅臺諫邀阻封章廣納貨賂傳奉冗員多至千百招募武勇收及孩童紫綬金貂盡與爪牙之士蟒衣玉帶濫授心腹之人附已者進官忤意者褫秩內外臣僚但知畏瑾不知畏陛下向也二三

大臣受遺夾輔今則有潛交默附漏泄事機者矣向也南北羣僚天心痛疾今則有畫策王文依阿時勢者矣而且數易邊境將帥之臣大更四方鎮守之職志欲何爲夫太阿之柄不可授人今陛下於兵刑財賦之區機務根本之地悉以委之或掌團營或主兩廠或典司禮或督倉場大權在手彼復何憚於是大行殺戮廣肆誅求府藏竭於上財力匱於下武勇疲於邊上下胥讒神人共憤陛下猶不覺悟方且謂委任得人何其舛也伏望大奮乾剛立寘此曹重典遠鑒延熹之失毋使臣蹈蕃武已覆之轍天下幸甚宗社幸甚疏入帝不省瑾輩深銜之傳旨致仕守隨去李興遂以中旨免死矣瑾憾未釋坐覆讞失出逮赴京繫獄罰米千石輸塞上復坐庇

鄉人重獄除其名追毀誥命再罰米二百石守隨家立破瑾誅復官又十年卒年八十五贈太子少保諡康簡從弟守隅由進士歷官江西參政有政績寧府祿米石徵銀一兩後漸增十之五守隅入請於王裁減如舊瑾惡守隨并罷守隅官瑾死後起官四川終廣西布政使

許進字季升靈寶人成化二年舉進士除御史歷按甘肅山東皆有聲陳鉞激變遼東爲御史強珍所劾進亦率同官論之汪直怒構珍下獄摘進他疏訛字廷杖之幾殆滿三考遷山東副使辨疑獄人稱神明分巡遼東坐累徵下詔獄孝宗嗣位釋還弘治元年擢右僉都御史巡撫大同小王子久不通貢遣使千五百餘人欵關進以便宜納之請於朝詔許五

百人至京師已而屢盜邊進被劾不問尋復窺邊進等整軍待之新寧伯譚祐以京軍援寇乃遁去又乞通貢進再爲請帝許之當是時大同土馬盛強邊防修整貢使每至關率下馬脫弓矢入館俛首聽命無敢譁者會進與分守中官石岩相訐岩徵還進亦謫兗州知府七年遷陝西按察使土魯番阿黑麻攻陷哈密執忠順王陝巴去使其將牙蘭守之牙蘭機警力能并開六弓夜宿常十徙意輕中國尚書馬文升謂復哈密非進不可乃薦爲右僉都御史巡撫甘肅明年涖鎮謀潛師襲寇城諸將難之進曰小醜陸梁謂我不敢深入耳堂堂天朝不能發一鏃塞外何以慰遠裔總兵官劉寧力贊之乃厚結土魯番世讐小列禿使以四千騎往殺數百人小

列禿中流矢卒其子卜六阿反憤欲報父讐進復厚結之使斷賊道無東援牙蘭而重犒赤斤罕東及哈密遺種之居苦峪者令出兵助討十一月命副將彭清以精騎千五百出嘉峪關前行寧與中官陸閏統二千五百騎繼之越八日諸軍俱會羽集也川薄暮大風揚沙軍士寒栗僵臥馬下進出帳外勞軍有異鳥悲鳴將士多泣下霑衣進慷慨曰男兒報國死沙場幸耳何泣爲將士皆感奮夜半風止大雨雪時番兵俱集惟罕東兵未至衆欲待之進曰潛師遠襲利在捷速兵已足用不須待也及明冒雪倍道而進又六日奄至哈密城下牙蘭已先遁去餘賊拒守官軍四面攻再踰時賊氣漸衰將士呼喚並進鑿城爲坎蟻附而登賊衆大潰退保土刺上

刺華言大臺也諸軍旣入城復戰於土刺下獲陝巴妻女士刺守者千人斬馘及死砲石者十二猶未下問其俘則皆哈密人爲牙蘭所劫者進乃令勿攻寧附進耳曰斬此八百人封侯可得也進不可遣使撫諭之卽下於是探牙蘭所嚮分守要害而疏請懷輯罕東諸衛爲援散土魯番黨與孤其勢遂班師錄功加右副都御史明年移撫陝西未幾阿黑麻上書謝罪以陝巴及金印來歸西域遂定入歷戶部左右侍郎十三年火篩大舉犯大同邊將屢敗救進與太監金輔平江伯陳銳率京軍禦之無功言官劾輔等玩寇并論進致仕去廷臣論薦者數十疏未及召武宗卽位乃起爲兵部左侍郎提督團營正德元年代劉大夏爲尚書應詔陳內監役京軍

守皇城內侍橫索月錢諸弊格不行又以帝狎比羣小請崇聖學以古荒淫主爲戒不納東廠中官王岳奏官校王縉等緝事捕盜功各進一秩進言邊將出萬死馘一賊始獲晉級此輩乃冒濫得之孰不解體又言團營軍非爲營造設宜悉令歸伍居兵部半歲改吏部明年加太子少保進以才見用能任人然性通敏劉瑾弄權多所壅格進不能盡行其意稍委蛇而瑾終惡進方進督團營時與瑾同事每閱操談笑指揮意度閒雅瑾及諸將咸服一日操畢忽呼三校前各杖數十瑾請其故進出權貴請託書示之瑾陽稱善心不喜至是欲去進用劉宇代焦芳以干請不得亦因擠進故事郎中闕署員外郎得遷補進有所推用瑾以爲非制令對狀進不引

咎三降嚴旨譙責不得已請罪乃令致仕未幾坐用雍泰削其籍二子誥讚在翰林俱輸贖調外任尋與劉健等六百七十五人竝追奪誥命瑾又摘進在大同時籍軍出雇役錢失勾校欲籍其家會瑾誅得解復官致仕未聞命卒年七十四贈太子太保嘉靖五年謚襄毅子誥讚詩詞論詩工部郎中詞知府誥字廷綸進次子也弘治十二年進士授戶科給事中出視延綏軍儲論丁糧丁草之害帝褒納之尋劾監督中官苗達貪肆罪進刑科右給事中正德初父進爲兵部尚書故事大臣子不得居言職遂改翰林檢討及進忤劉瑾削籍并謫誥全州判官父喪歸久之薦起尚寶承復引疾歸家居授徒講學嘉靖初起南京通政參議拜侍講學士直經筵遷

太常卿掌國子監請於太學中建敬一亭勅御製敬一箴註
程子四箴范浚心箴於石帝悅從之帝將正文廟祀典誥請
用木主文華殿東室舊有釋像帝命撤去誥所撰道統書言
宜崇祀五帝三王以周公孔子配帝卽採用其言時有白鵲
之瑞誥獻論司業陳寰獻頌竝宣付史館十一年擢吏部右
侍郎其冬拜南京戶部尚書弟讚亦長戶部兄弟竝司兩京
邦計縉紳以爲榮卒官贈太子太保諡莊敏誥官祭酒時諸
生旅櫬不能歸者三十餘皆爲葬之衣食不繼者竝周卹然
頗善傳曾給事中張裕謝存儒御史馮恩皆劾誥裕至此之
祝欽明帝怒下裕獄謫福建布政司照磨存儒亦調邊方恩
詆誥學術迂邪誥求罷帝曰恩所詆乃指前日去土偶用木

主事也爾以是介意邪其爲帝眷寵如此讚字廷美進第三
子也弘治九年進士授大名推官亦以辨疑獄知名召拜御
史正德初改翰林編修劉瑾逐進讚亦出爲臨淄知縣累遷
浙江左布政使嘉靖六年又爲光祿卿歷刑部左右侍郎武
定侯郭勛納謫戍知州金輅賄遣人篡取之惡指揮王臣不
予擅縛以歸掠取其賄事覺下法司尚書高友璣在告讚等
請論如律削勛保傅官以侯就第帝憐勛諭法司毋刑輅等
輅等遂不承友璣坐畏縮被劾去讚請如常訊具得勛納賄
狀乃再奪其祿八年進尚書帝喜聞臣下過失許六部歷事
監生發奸弊有詹啓者許吏部侍郎徐縉帝甚喜下都御史
汪鋈訊啓語塞已論罪啓復許縉及通政陳經等再下鋈訊

鉉力斥其妄會太常卿彭澤欲傾縉代之僞爲縉書抵張孚敬求解復熈孚敬劾縉賄已縉疏辨詔法司會錦衣衛訊讚等卒論啓誣罔而縉行賄事莫能白坐除名帝方嘉啓能奉詔言事竟宥啓罪於是告訐風大熾無賴子率持朝士陰事索賈財妄構事端入奏諸司爲惕息中官張永弟容擅永賈軍人童源訐永造瑩犯天壽山龍脉復喉容僕王謙等發容違法事奸人張雄因爲謙草奏詆讚與兄誥及汪鉉廖道南史道丙臣黃錦輩數十人受容重賂源上疏助之俱下法司鞫得實源等竝戍極邊告訐風少衰十年改戶部尚書馳驛歸省母而母已卒服未闋詔以爲吏部尚書服除始入朝帝以讚醇謹虛位待及至論列不當意詔遷宮僚閣臣多引私

黨言官劾罷十餘人帝以屬吏部讚乃舉霍韜毛伯溫顧璘呂柟鄒守益徐階任瀚薛蕙周鈇趙時春等詔璘柟蕙仍故官餘俱用之屢加少保兼太子太保九廟災自陳免居半歲帝難其代復起讚任之請發內帑借百官俸括富民財開鬻爵之令以濟邊需時議內地築墩堡讚謂非計帝以借俸括財非盛世事已之墩堡議亦寢翟鑾嚴嵩柄政多所請託郎中王與齡勸讚發之嵩辨之強帝眷嵩反切責讚除與齡籍讚自是大畏蕙不敢與政府抗亦頗以賄聞矣鑾罷帝謀代者嵩以讚柔和易制引之詔以本官兼文淵閣大學士參預機務政事一決於嵩伴食而已久之加少傅以年踰七十數乞休帝責其忘君愛身落職閒住歸三年卒後復官贈少師

謚文簡論別有傳

雍泰字世隆咸寧人成化五年進士除吳縣知縣太湖漲沒田千頃泰作堤爲民利稱雍公堤民妾亾去妾父訟夫密殺女匿屍湖石下泰使人驗之并詰曰彼密殺汝女汝何以知匿所且此非兩月尸必汝殺他人女與得賂耳一考而服名爲御史巡鹽兩淮竈丁無妻者泰爲婚匹出知鳳陽府父憂去服闋起知南陽余子俊督師薦爲大同兵備副使擢山西按察使泰剛廉所至好搏擊豪強太原知府尹珍塗遇弗及避泰名至蹠而數之珍有違言泰竟笞珍被訴於朝且告泰非罪杖人死孝宗怒逮下詔獄王恕請寬泰罪會事經赦乃降湖廣參議弘治四年轉浙江右布政使復以母憂去十二

年起右副都御史巡撫宣府官馬死軍士不能償泰言於朝以官帑市邊軍貧有妻者輒鬻泰請官爲資給尚書周經因令貧者給聘財典賣者收贖軍盡歡參將王傑有罪泰劾之下泰逮問泰又請按千戶八人帝以泰屢抑武臣方詔都察院行勘而參將李稽坐事繫獄畏泰重劾乞受杖泰取大杖決之稽乃奏泰凌虐帝怒遣給事中徐仁偕錦衣千戶往按傑復使人走登聞鼓下訟泰妄逮將校至八十六人并及其壻納賂事法司覈上禡爲民武宗立給事中潘鐸等薦泰有敢死之節克亂之才吏部尚書馬文升遂起泰南京右副都御史提督操江固辭不赴正德三年許進爲吏部復起前官其秋擢南京戶部尚書太監劉瑾泰鄉人也怒泰不與通甫

四日卽令致仕謂進私泰遂削二人籍而追斥馬文升及前薦泰者尚書劉大夏給事中趙士賢御史張津等爲民其他罰米輸邊者又五十餘人泰歸居韋曲別墅不入城市瑾誅復官致仕年八十卒平時榻下有聲若霆者泰奉身儉素貴賓至不過二肉爲尚書無緋衣及卒家人始製以斂天啟中追謚端惠張津字廣漢博羅人成化末進士除建陽知縣築城郭遏礦盜建朱熹蔡元定諸賢祠置祭田畀其子孫憂歸補大冶徵拜御史弘治十四年冬吏部缺尚書廷臣推馬文升閔珪而津偕同官文森曾大有請用致仕尚書周經兩廣總督劉大夏忤旨下詔獄給事御史論救得釋已言陛下延訪大臣而庶官不預非所以明目達聰也乞命卿佐侍從及

考滿朝覲諸外僚咸得以時進見通達下情武宗初巡按廣西劾總鎮中官韋經擅移官帑預平富賀賊被賚出爲泉州知府坐嘗舉泰勒爲民劉瑾敗起寧波知府遷山東左參政擢右僉都御史提督操江進右副都御史巡撫應天諸府馳疏請建皇儲所部水旱請停織造車駕北巡疏諫不報浙孝豐奸民據深山殺傷捕者積二十年莫能制詔津託他事赴浙圖賊津悉縛之加戶部右侍郎巡撫如故帝自宣府還復欲北幸津疏切諫不報卒贈南京戶部尚書

陳壽字本仁其先新淦人祖志弘洪武間代兄戍遼東遂籍寧遠衛壽少貧甚得遺金坐夜分還其主從鄉人賀欽學登成化八年進士授戶科給事中視宣大邊防劾去鎮守中官

不檢者又嘗劾萬貴妃兄弟及中官梁芳僧繼曉繫詔獄得
釋屢遷都給事中弘治元年王恕爲吏部擢壽大理丞劉吉
憾恕諷御史劾壽不習刑名莫以罪恕竟調壽南京光祿少
卿就轉鴻臚卿十三年冬以右僉都御史巡撫延綏火篩數
盜邊前鎮巡官俱得罪去壽至蒐軍實廣間謀分布士馬爲
卜道使互相應援軍勢始振明年諸部大人先以百餘騎來
誘諸將請擊之壽不可自出帳擁數千騎據胡床指麾飲食
寇望見疑之引去諸道襲擊斬獲甚多朝廷方遣苗達等重
兵至而壽已奏捷孝宗嘉之加祿一等遠欲乘勝搗巢駐延
綏久戰馬三萬匹日費芻菽不貲壽請出牧近塞就水草衆
有難色壽跨馬先行衆皆從之省費數十萬當戰捷時或勸

汪子弟名籍中壽曰吾子弟不知弓槊寧當與血戰士同受
賞哉竟不許十六年以右副都御史掌南院正德初劉瑾矯
詔逮南京科道戴銑薄彥徽等壽抗章論救瑾怒罷其官尋
坐延綏倉儲虧損罰米二千三百石布千五百匹貧不能償
自訴於朝瑾廉知壽貧特免之中官廖堂鎮陝西貪暴楊一
清以壽剛果九年正月起撫其地堂初奉詔製氊幄百六十
間贏金數萬將遺權倖壽檄所司留備賑復戒諭堂勿假貢
獻名有所科取堂怒將傾之壽四疏乞休不得堂爪牙數十
輩散府縣漁利壽命捕之皆逃歸氣益沮其秋拜南京兵部
侍郎陝人號呼擁輿移日不得行踰年乞骸骨就進刑部尚
書致仕壽爲給事中言時政無隱獨不喜劾人曰吾父戒吾

勿作刑官易枉人言官枉人尤甚吾不敢妄言嘉靖改元詔進一品階遣有司存問時年八十有三壽廉歷官四十年無家可歸寓南都所居不蔽風雨其卒也尚書李充嗣府尹寇天叙爲之斂又數年親舊賻助始得歸葬新淦

樊瑩字廷璧常山人天順末舉進士引疾歸養久之授行人使川中不受餽士官作却金亭識之成化八年擢御史山東盜起奉命捕獲其魁清軍江北所條奏多著滿剌改按雲南交趾誘邊氓爲寇馳檄寢其謀出知松江府尋改知平陽弘治初許大臣保舉方面官侍郎黃孔昭以瑩應尚書王恕亦器之擢河南按察使黃河爲患民多流移瑩巡賑全活甚衆河南田賦多巡撫徐恪欲考本末衆難之瑩曰視萬猶千視

千猶百耳何難恪以屬瑩部吏鈎考旬日間宿蠹一清尋遷應天府尹守備中官蔣琮數陷言官大臣咸畏之至是犯罪瑩預推鞫初若不與異者琮覘知大喜後入其傷孝陵山脉事琮遂下獄充淨軍遷南京工部右侍郎改右副都御史巡撫湖廣錦田賊結兩廣猺獞爲寇瑩解散餘黨誘戮首惡十人八歲餘以疾乞休家居七年中外交薦起故官撫治鄖陽旋改南京刑部右侍郎十六年雲南景東衛晝晦七日宜良地震如雷曲靖大火數發貴州亦多災異廷議遣大臣巡視乃以命瑩至則劾鎮巡官罪黜文武不職者千七百人威震蠻俗既竣事廉知景東之變乃指揮吳勇侵官帑圖脫罪因雲霧晦冥虛張其事劾罪之還進本部尚書武宗踐阼致仕

歸劉瑾以會勘隆平侯爭襲事連及瑩削籍又坐減松江官布罰米五百石輸邊瑩素貧至是益罄卒贈太子少保諡清惠瑩性果介農月坐籃輿戴笠子孫昇行田間曰非徒視稼欲子孫習勞也其後人率教多愿朴力學者

熊繡字汝明道州人其先以戍籍自豐城徙焉繡舉成化二年進士授行人奉使楚府巡茶四川力拒餽遺擢御史巡按陝西左布政于璠以官帑銀餽苑馬卿邵進繡發其罪璠遁赴京訐繡挾憤帝怒并下繡吏謫知清豐璠進亦除名久之鳳翔闕知府擢繡任之弘治初遷山東左參政進右布政使七年以右副都御史巡撫延綏榆林初僅小堡屯兵備冬景泰中始移巡撫總兵官居之遂爲西北巨鎮城隘弗能容乃徙千數百家於城外因繡請增築千二百餘丈涖鎮數年練兵積粟邊政修舉歷兵部左右侍郎尚書劉大夏深倚信之騰驤四衛勇士額三四萬人率虛籍歲糜錢穀數十萬多入奄人家廷臣屢請稽核輒被撓至十八年二月命繡清釐未竟而孝宗崩朝政漸變繡力持不顧得詭冒者萬四千人御馬太監甯瑾等疏請復舊給事御史交章劾瑾大夏亦力爭武宗不得已從之而不罪瑾等吏部尚書馬文升與大夏不協以繡與厚善欲遠之乃擢右都御史總督兩廣繡頗快快有後言旣抵鎮盡裁幕府供億秋毫無所取討平賀縣獍劉瑾以前汰勇士事深疾繡伺察無所得乃召掌南京都察院事明年以中旨罷之已復撫延綏倉儲浥爛爲繡罪罰米五

百石責繡躬輸於邊繡家遂破久之卒無子巡撫秦金頌其清節於朝贈刑部尚書太僕少卿何孟春以繡承繼孫幼且貧無以爲養請如主事張鳳翔孔琦例賜月廩且乞予諡遂諡莊簡給其孫米月一石

潘蕃字廷芳崇德人初冒鍾姓旣顯始復成化二年舉進士授刑部主事歷郎中雲南鎮守中官錢能爲巡撫王恕所劾詔蕃按盡得其實出爲安慶知府改鄖陽時府治初設陝洛流民畢聚蕃悉心撫循皆成土著累遷山東湖廣左右布政使弘治九年以右副都御史巡撫四川兼提督松潘軍務宣布威信蠻人畏服單車行松茂莫敢犯遷南京兵部右侍郎就改刑部十四年進右都御史總督兩廣帳下士舊不下萬

人蕃汰之纔給使令而已黎寇符南蛇亂海南聚衆數萬蕃令副使胡富覘得其情調狼土兵討斬之平賊巢千二百餘所論功進左都御史已又平歸善劇賊古三仔唐大鬣等思恩知府岑濬與田州知府岑猛相讐殺攻陷田州猛窮乞援蕃諭濬罷兵不從乃與鎮守太監韋經總兵官伏羌伯毛銳集兵十餘萬分六哨討之濬死傳首軍門斬級四千七百盡平其地廻軍討平豐湖賊禡元祖先後俘斬五千餘人捷聞璽書嘉勞蕃奏思恩宜設流官猛構兵失地宜降同知俾還守舊土兵部尚書劉大夏議猛世濟兇惡不宜歸舊治請兩府皆設流官而降猛爲千戶徙之福建帝從之正德改元入爲南京刑部尚書踰年致仕初蕃去兩廣岑猛據田州不肯

徙知府謝湖畏猛悍亦逗遛事聞逮湖詔獄湖委罪蕃經銳及尚書大夏劉瑾方惡大夏遂并逮四人大夏以不從蕃言爲罪而蕃亦坐不能撫猛俱謫戍肅州旣而瑾從戶部郎中莊釋言遣太監韋霽覈廣東庫藏奏應解贓罰諸物多朽敝梧州貯鹽利軍賞銀六十餘萬兩不以時解逮問蕃及前總督大夏前左布政使仁和沈銳等八百九十九人罰米輸邊銳廉介已遷南京刑部右侍郎乞休歸至是奪職瑾誅蕃以原官致仕踰六年卒銳至嘉靖初始復職致仕方蕃解官歸無屋稅他人宅居之與鄉人飲露坐花下醉則任所之其風致如此富字永年績溪人成化十四年進士授南京大理評事弘治初歷福建僉事福寧繫囚二百餘人富一訊皆定囚

圍頓空以憂去起補山東遷廣東副使四會徭亂勦擒五百餘人瀧水徭出沒無時富度其所經地得荒田三千餘頃招僮戶耕牧其中徭畏僮不敢出擾居民得田作符南蛇圍僮州富與參議劉信往覘賊突至殺信富手斬劇賊一人賊乃退還益兵討平之歷陝西左布政使正德初入爲順天府尹累遷南京戶部右侍郎劉瑾勒富致仕瑾敗起故官七年拜本部尚書南都倉儲僅支一年富在部三載有六年積上十餘事率權貴所不便格不行遂引年歸嘉靖元年贈太子少保諡康惠

張泰字叔亨廣東順德人成化二年進士除沙縣知縣徵授御史偕同官諫萬貴妃干政廷杖幾斃出督京畿學校以憂

去家居十餘年弘治五年起故官按雲南孟密土舍思揲叛木邦乘宣慰使罕竈法赴孟乃若納婦侵據其地以兵遏之守臣撫諭拒不聽泰與巡撫張誥集兵示必討思揲懼始罷兵罕竈法得返滇池溢爲民災泰築堤以弭其患還朝乞罷織造內臣減皇莊及貴戚莊田被災稅賦給畿省災民牛種詔止給牛種餘不行寇入永昌甘肅遊擊魯麟委罪副總兵陶禎而總兵官劉寧疏言守臣不和詔泰往勘泰奏鎮守太監傅惠故總兵官周玉侵據屯田巡撫馮續減削軍餉寇數入莫肯爲禦失士卒六百餘馬駝牛羊二萬皆不以聞帝怒下之吏惠降內使錮南京續編氓口外泰又言甘州膏腴地悉爲中官武臣所據仍責軍稅城北草湖資戍卒牧馬今亦

被占請悉歸之軍且推行於延寧二鎮詔皆從之遷太僕少卿改大理初薊州民田多爲牧馬草場所侵又侵御馬監及神機營草場皇莊貧民失業草場亦虧故額孝宗屢遣給事中周旋侍郎顧佐熊翀等往勘皆不能決至是命泰偕錦衣官會巡撫周季麟復勘泰密求得永樂間舊籍參互稽考田當歸民者九百三十餘頃而京營及御馬監牧地咸不失故額奏入駁議者再尚書韓文力持之留中未下及武宗嗣位文再請始出泰奏流亡者咸得復業尋遷右副都御史督儲南京奏釐革十二事多報可正德二年召爲工部右侍郎遷南京右都御史泰清謹劉瑾專權朝貴爭賂遺泰奏表至京惟餽土葛瑾憾之會當序遷令以南京戶部尚書致仕未幾

卒撫他事罰米數百石

吳文度字憲之晉江人從父客江寧遂家焉登成化八年進士除龍泉知縣徵授南京御史偕同官孫需等論妖僧繼曉被廷杖尋遷汀州知府徭弗靖設方畧綏撫徭承賦如居民弘治中歷江西左參政山西河南左右布政使正德改元遷右副都御史巡撫雲南師宗州賊阿本等作亂論不從乃遣參議陳一經等督軍二萬攻之別遣兵截盤江據賊巢背先從俘斬千人入歷戶部左右侍郎進南京右都御史方文度召自雲南劉瑾以地產金寶屢責賄文度無以應瑾深銜之曾廷推文度及南京戶部侍郎王珩堪工部尚書遂改文度南京戶部尚書與珩俱致仕命下舉朝駭異既歸所居屋僅數椽瑾誅未及用而卒珩趙人起家進士亦以清操聞

張鼎字用和歷城人成化十一年進士授襄陵知縣入爲御史憲宗末年數咎言官鼎力諫又嘗劾妖僧繼曉方士鄧常恩等帝心惡之出按江西盜賊多強宗佃僕鼎與巡撫閔珪交奏其事尹直等構之乃貶珪而坐鼎尹旻黨謫郴州判官弘治初擢河南僉事進參議以協治黃陵岡遷副使歷參政按察使鼎官河南久屢遭河患督治有方民爲立祠十五年擢右僉都御史巡撫遼東時軍政久弛又許餘丁納貲助驛遞給冠帶復其身邊人競援例避役鼎言不可因條上移屯糧清隱占稽客戶減軍伴數事悉允行尋劾分守中官劉恭貪虐罪築邊牆自山海關迄開原霰陽凡千餘里遼撫自徐

貫後歷張岫張玉陳瑤韓重四人多得罪去至鼐稱能武宗立移撫宣府正德改元召還尋進右副都御史署院事有知縣犯贓當褫職卒殺人當抵死皆重賄劉瑾欲寬之鼐執不可瑾怒甚出爲南京右都御史焦芳子黃中欲強市其居界通政魏納鼐不從芳父子亦怨之會瑾遣給事中王翊等覈遼東軍餉還奏芻粟多浥爛遂以爲守臣罪逮鼐及繼任巡撫馬中錫邵章前參政冒政參議方矩郎中王謙劉繹下詔獄令其家人輸米遼東鼐坐輸二千石以力不辦請遣家人還鄉粥產身繫遼東以待久之總兵官毛倫等具奏諸人苦狀請得折價瑾勉從之閱三年事始竟皆斥爲民瑾誅復官鼐前卒世宗初予卹政泰州人鼐同年進士歷官右副都御史巡撫寧夏守官廉劉瑾覬賄不得遂假遼東事逮之罰米至三千石瑾誅復職致仕久之卒

朱欽字懋恭邵武人師吳與弼以學行稱舉成化八年進士授寧波推官治最徵授御史出督漕運按河南清軍廣西竝著風節弘治中遷山東副使歷浙江按察使十五年入覲吏部舉天下治行卓異者六人欽與焉僉都御史林俊又舉欽自代乃稍遷湖廣左布政使武宗立以右副都御史巡撫山東中官王岳被謫道死欽上言岳謫守祖陵罪狀未暴賜死道路不厭人心臣知岳爲劉瑾輩所惡必瑾譖毀以至此望陛下察岳非辜懲瑾讒賊疏至瑾屏不奏銜之欽以山東俗淫酗嚴禁市酤令濟南推官張元魁察之犯者罪及鄰比有

懼而自縊者其母欲奏訴元魁與知府趙璜賄之乃已有中使言於瑾瑾使偵事校尉發之俱逮下詔獄勒欽致仕璜除名元魁謫戍瑾憾欽未已撫前湖廣時小故下巡按御史逮問俄坐山東勘地事斥爲民又坐修曲阜先聖廟會計數多罰輸米六百石塞下又坐撫山東時以民夫給事尚書秦紘家再下巡按御史逮問瑾誅乃復官久之卒與弼之門以宦學顯者欽爲稱首

明史藁

列傳第六十五終

